

太平縣志

卷八

藝文志

太平縣志卷之八

節婦

清漢喬葉幽谷貞蕤樵賴不怨甘心同萎不為禽獸愧
彼鬚眉風檢攸賴繡圖是追志列女

元

海甯尉孫玉翁妻陳氏年二十九而寡撫孤睦親卓然自立壬辰
盜起據邑民多誑誤郡兵克復槩以叛論氏與總帥故姻
戚力懇得俱釋汪文節公澤民為作傳卒年八十五

明

程鑾妻孫氏年二十一鑾亡子二歲兼有遺孕貧不堪或勸
之改適孫痛哭靈前剪髮以矢勸者遂止卒年六十五
王柏妻孫氏年二十一夫卒翁憐其無子欲嫁之乃剪髮明志

太平縣志

卷八 節婦

一

夫妹小奴亦早寡與氏誓同守共紡績為生暇即取列女
傳小學讀之卒年俱七十餘並蒙旌表

胡謙亨妻項氏年二十六而寡子和永甫七歲篝燈夜績教撫
成立後和永嘗作春暉堂為孝養之所時人兩賢之

王思忠妻盛氏年二十五夫亡子周晬撫子成立卒年八十八
邵炎妻胡氏年二十八而寡勤績紝以撫孤有勸之嫁者輒慟哭
不欲生卒年七十五

陳祐妻盛氏歸三月祐病劇與之訣曰我即死爾年少奈何
盛泣曰生則同室死則同穴即剪髮為誓遺腹兩月生男良
盛紡績撫育聞有謀娶之者日佩刀自衛卒年五十五

湯璞妻李氏年二十四以猶子湯趨繼嗣生平寡言笑能得
翁姑心卒年七十

胡彪妻林氏年二十五夫亡躬理殮具旦夕上食如生時終身不見喜容卒年七十

焦惠榮妻謝氏夫亡年二十八終身俯首以示不天撫幼子讀書有成卒年六十一

焦興看妻方氏年二十五而寡家貧無子編麻鞋以自給六十七卒

李禺妻譚氏年二十五夫歿子幼家貧端謹寡言妯娌有爭一言頓釋內政肅然卒年六十五

監生陳紀妻李氏年二十九夫亡李築壙墓側以示靡他撫孤克立卒年六十五

胡岑妻羅氏年二十四夫亡欲殉同室諭之曰舅姑老子甫二歲何以死為羅強勉存息即剪髮毀容誓志不改卒年五

太平縣志

卷八 節婦

二

十八萬曆三年院道額獎曰節孝雙全後子良金仕中書孫錠妻胡氏年二十四錠亡哀毀惟餘骨立晝夜勤績紵課其子時潤成立卒年七十餘萬曆元年郡守獎之

焦尚恩妻林氏年十八喪夫富室利其貲強奪之剪髮斷指謀者未寢復以鐵錠刺目目瞽得脫尋病母進藥不飲逾年而卒督學周獎曰矢志靡他

崔松妻孫氏松瞽且貧甚孫相之謹年二十二松卒撫子一元長為娶媳程氏一元病癩尋天時程氏年甫二十孫率共守針紉度日兩無異念撫按旌曰姑媳雙節

項思德妻李氏夫病刲股救之逾年歿氏年二十一矢志撫孤孝事舅姑卒年五十二府縣文獎賚以米

胡仁安妻方氏生子淮甫三歲而仁安卒氏年二十苦志守節

撫孤成立撫院匾獎節比冰霜壽八十有三

胡廷欽妻李氏年十七歸欽半載夫亡無嗣紡績自給有逼令改節者氏持刀截耳死而復甦謀者乃已年七十卒

監生林浙妻李氏年十九夫亡遺腹生女李苦心守節壻李一德為請旌巡撫周督學耿交獎之卒年六十三

程桂妻胡氏年十八桂卒氏謝薰澤勤組撫孤成立壽七十三巡按何郡守王各予匾獎癸未進士程言其曾孫也

庠生項思惠妻周氏能識書史年二十一惠卒遺腹生子效能氏操甚峻親屬有憫其貧而微諷以難守者氏恚甚嘔血大書臣忠嬪節字以志朝夕惟藉女工事舅姑無缺養撫子成立年五十七卒邑令匾獎曰冰心不泯

周鼎妻陳氏年二十二夫喪撫孤周祐娶胡氏祐尋夭遺腹生

太平縣志

卷八 節婦

三

子順姑媳相隨甘心無二里族賢之撫按匾獎二次

胡涇妻焦氏年十八夫喪守志撫孤樹榮教諸孫廷珪歲薦廷璉邑庠年七十餘卒巡按劉公宋公各匾旌賚布米萬歷十一年奉旨賚銀一兩

譚灝妻孫氏年二十三灝卒哀慟幾絕母諷之嫁推席而起不歸甯者數年二孤先卒長孫煌終養餘年郡守羅額其堂侍御崔涯表其墓

魯大嫂王氏魯大妻居饒邨夫妻以水碓食力年二十餘夫歿無子百計殮葬生計益窘嫂青歲貌倩人爭委禽皆不聽里中惡少夜劫之嫂首觸其人嚙斷一指示之惡少懼逸去未幾旌陽人巧賂媒復乘夜挾鍵縛置竹兜中以去曉至中途嫂給衆祈解縛更衣從之遂自挾裂頭面發憤欲死乃得歸因置

刀斧於卧榻，自衛畫橫一木於戶，即婦女亦不得闌入。夜則棄百鍼於地，暗捫之，必全獲，乃已。獲全已達曙矣。終歲勤紡績，以自給。晚年粟稍贏，間周隣。乏年八十餘，病劇，里人慕義，圖厚葬之。嫂曰：昔亡夫草葬，老婦居厚，非所。以瞑我也。及卒，葬於譚瀆南山，衆立碣表曰：貞節魯大嫂之墓。居數載，歎南潘某江行風浪，作危甚，見一婦空中持權護之，遙語曰：我魯大嫂也。家太平南山，潘歸訪其墓，祭拜而去。涇商蕭某亦然，里人遂祠祀之。

胡李妻孫氏年二十三而寡，遺三歲孤廷幹。氏採橡拾薪教之遊，泮屢膺憲獎。幹先母卒，孫年八十餘而終。縣令周仲士為文親祭，有兒貧客死，母寡八旬，皎皎節婦，大完其貞之句。

崔廷皋妻焦氏未婚，廷皋卧病已三年，氏年十六，父母議毀盟。

太平縣志

卷八 節婦

四

女曰：已許崔氏，死當為崔氏鬼。因請侍湯藥，旦夕悲咽，不欲生。父母知志弗奪，促崔娶之。以萬曆元年四月歸，時皋僅延殘喘，氏悉心調護。至次年二月歿於時，氏有娠。三月後生男，衣縞素，足不踰戶外，戚屬僮僕終歲不覩其面。撫遺孤十有二年卒。奉旨坊旌，姑山沈壽民為之墓表，見藝文。

庠生王時新妻翟氏二十四歲，新卒，民貧苦自守，卒年六十有七。邑令許郡守董各額獎之。

庠生王綬妻查氏年十九，綬亡，甘心自守，苦志六十餘年。年八十卒。萬曆三十四年按院宋額旌。

庠生崔尚志妻胡氏年二十三，夫卒，子壽星在襁褓，撫育成立。尤謹事舅姑，卒年八十三。學按兩院俱匾獎，給粟帛。

方文壁妻陳氏年二十四而寡，遺孤志養家窘甚，氏縫績養。

舅姑及孤按院先後匾獎曰 恩旌苦節曰冰玉貞節又有千計撫孤百苦備嘗之贊孫方城有聲巒序

崔尚益妻譚氏益疾卒譚撫遺孤希孟長遊泮吟舌佃積貲備極孝養年九十三而卒督學匾旌曰松柏永青其孫曰慧曾孫岳標相繼入庠後裔日蕃

方文照妻胡氏年二十文照亡苦志撫孤萬厯壬寅坊旌子位受伯父文會儒業弱冠列鄉校

黃子濟妻翟氏年二十三夫亡家極貧針紉苦守始終如一卒年九十二按院匾獎曰霜節千秋

黃文忠妻孫氏年二十忠卒子半歲撫育成立卒年五十七學按二院俱匾獎

陳時逢妻任氏年二十逢故家貧無嗣舅姑憐其少勸之太平縣志 卷八 節婦 五

他適氏堅貞不回勤紡績以養舅姑卒祭葬成禮卒年六十二閭族欽其苦節列祀宗祠

王偲妻胡氏偲歿氏年二十四二孤方孩苦守撫育並得成立卒年八十三邑令吳匾獎曰節孝可風

王經妻譚氏二十守志卒年八十四按院曹匾曰貞操砥世王恂妻徐氏年二十七夫故貧苦守志厯六十餘載年九十卒崇禎十三年邑令郝匾曰節並蒼松

汪廷桂妻胡氏年二十八桂卒子半歲苦志自守卒年八十有五按院龔匾獎曰貞節

黃文溢妻陳氏年二十八溢卒撫四歲子成立卒年七十三

劉文學妻陳氏年二十五而寡撫半歲孤匡世成立中武科年八十六卒屢膺匾獎賚粟帛

林大朗妻方氏年二十一朗死無子守志食貧至七十餘卒崇禎壬午按院徐按臨新安過氏墓道馬忽不前令捕官察之得方氏墓碑旁有穢所命立填之馬行頓駛徐異之旌匾節膺天寵

邵傳妻黎氏年十八傳歿一子甫歲數月家無宿舂母姑咸勸他適氏飢寒自矢年八十二卒邑令許匾獎完節

曹安妻王氏年十九而寡生子同升纔三月撫子成立入國學孫靈雲相繼遊郡邑庠氏皆親見之卒年六十一子姓蕃衍

程應鳳妻周氏進士程言母慈懿端靜不苟言笑歸鳳生言及袞鳳卒氏忍死撫之稍長就外傳晚歸篝燈課讀針紉相從夜深乃罷丁卯言登賢書踰年袞入縣庠氏紡績如故疾革囑子曰君恩難酬先志可念卒年六十一

太平縣志

卷八 節婦

六

李壽妻崔氏年二十六夫死克勵冰霜撫孤成立卒年七十有七孫繼皋篤志詩書克紹先業

胡志發妻姚氏初歸裝資甚盛傾橐供三世年二十七夫歿縫績教三孤泉入邑庠可教可期並叭篤行顯累膺匾獎年七十一卒遠近弔祭詩文孫庠生師旦師靖師亮彙成懿節集胡嘉行妻蔣氏年二十九而寡清苦守志拮据撫孤卒年七十二胡學邃妻鄭氏年二十三而寡遺孤三月鍼紉易米撫兒成立卒年六十五

胡世佐妻焦氏佐歿氏年十九子方半歲家貧守節五十載卒年六十九縣令蔣匾旌曰純節維風

王省妻孫氏年十八夫亡家貧撫幼子卒年八十

林大陸妻方氏年十九夫亡誓以身殉一子鐘春在抱家人以立

孤大義止之四十餘年足不踰闕撫孤成立卒年六十

胡廷健妻程氏年二十五健歿矢志撫二歲孤位乾成立七十三歲卒

王世彥妻翟氏年二十二夫故守志年六十七卒院旌獎二次

胡廷慶妻周氏年二十喪夫家貧守志撫孤位陽成立教孫時亨食餼於庠年七十八卒邑令吳匾獎曰貞節昌後

杜邦瓊妻曹氏夫早世氏撫遺腹子烈備嘗艱苦年八十餘卒邑令彭匾獎曰恩表勁節

庠生焦守箕妻陳氏年二十四夫歿繼姪為嗣又早歿氏貧苦自守年八十七卒萬曆四十三年縣令林匾旌曰之死靡他

孫汪生妻李氏夫死氏年二十三子三歲紡績自給後子尋歿氏立姪為嗣年逾六十卒按院劉匾獎曰恩闡苦節

太平縣志

卷八 節婦

七

譚一朋妻周氏夫故氏年二十四紡績苦守卒年六十有五邑令董匾獎曰貞節可風

方志宏妻胡氏年十八夫亡生子甫兩月苦節四十餘載年六十卒學院趙匾獎曰節慈褒顯按院劉匾獎曰冰霜精節

李廷樂妻程氏年二十二夫歿冰蘖自甘卒年六十三縣令吳匾獎曰節凜冰霜

曹采妻王氏年十七夫亡撫遺孤報成立復早卒與媳王氏勵節撫幼孫士勲年各七十餘卒天啟五年邑令吳匾曰雙節

林文榜妻鄭氏榜以援父同溺水死氏即欲與俱歿姑胡氏以撫弱孫全宗祀泣諭之氏竭十指以佐養教子大台聯

捷武科

汪尚甯妻項氏歸未暮甯赴京謁選授福府贊禮卒於任氏

聞訃欲殉孀姑泣諭而止因紡績奉姑足不踰戶姑卒塋祭尤盡禮年七十二卒

李瓊妻胡氏年二十一生子永甫三日瓊病篤囑曰死節名在汝身存孤事關我宗氏泣頷之遂瞑既殯設靈室中常衣麻經撫孤周摯長擇師教之成立初永生有白髮一縷自頂至頸人稱孝髮侍御崔涯贈詩有貞志啣丹節尚凜胎髮徵素事尤奇之句卒年七十三屢膺憲獎

項應裕妻孫氏年二十六夫亡遺孤方五歲矢志撫之年七十八而終

杜鎮妻陳氏年二十五而寡子克容甫五歲撫之成立以孝聞年七十五卒嘉靖元年母子同邀憲獎

崔守義妻胡氏年十四適崔甫一載守義赴京為椽吏留八太平縣志 卷八 節婦 八

年授湖廣鄱縣尉氏隨任越明年舉一子僅八月義死國難氏以遺孤不得殉鄱人醵貲送歸伶仃孤苦惟勤紡績以活子卒年七十三

陳舉妻孫氏舉母程氏度母沈氏孀居氏謹事之年二十六夫亡遺腹生子廉氏守節撫之邑令繼嘉旌額程沈曰雙節氏曰貞節

經歷周維新妻汪氏年十六適周事姑趙甚謹維新自任以艱歸未幾歿氏年三十兩子皆幼撫育成立卒年六十三

李元論妻方氏年十九夫亡父母憐其少屢勸再適氏持刀欲刎謀乃寢女紅自給五十年不踰闕卒年八十四縣令任獎匾曰貞操可嘉

焦宗信妻胡氏年二十二信隨父魁溧水訓導任所二年卒氏

撫遺孤成立教孫焦華入庠七十餘歲卒

孫宗怡妻趙氏怡死氏年十九父母勸令再適不從孀居五十餘載
卒年七十三

崔元培妻周氏年二十四夫亡勵志撫四歲孤鑄家資中落紡
績叭給艱苦備嘗卒年七十四

周尚吉妻孫氏適周七日而夫病舅患之遷尚吉別居兩月餘
夫歿氏守志足不踰戶卒年七十餘族伯周萬年輓云于
歸九十日守空幃而飲恨喪天矢志六十年至蓋棺而含
笑入地

李仙妻王氏仙三十無子納妾張氏亦無子仙卒氏罄貲建
李氏宗祠圖夫像祀之盡散所餘調族之貧者與其妾
織紡叭終族聞於上表其墓曰節義

太平縣志

卷八 節婦

九

李條妻桂氏歸三月條死無嗣紡績度日年六十餘卒縣令匾
獎曰貞節可風

崔宗鶴妻譚氏事孀姑稱孝歸五年鶴病刲股叭療者二不
效勉撫遺孤賢娶媳胡氏賢繼卒遺一歲孤萬仞氏與媳
胡矢志共守譚年八十餘卒胡氏七十卒兩代冰霜族黨賢之
項應炆妻汪氏年二十九炆殞氏慟甚欲殉家人勸之曰汝子
皆幼死誰與撫氏遂守志子稍長擇師授讀有不給紡績佐
之苦節五十餘年年踰八旬卒

孫守正妻崔氏年十八適孫生子甫五月正歿家貧紡績事舅
姑撫男成立卒年六十三邑令任匾獎曰柏舟苦節

周尚序妻譚氏年二十七序歿氏苦志孀居撫七歲子元教
叭學長入黌宮八十九歲卒

監生孫一忠妻曹氏年二十四喪夫無子撫叔恕之子復為嗣長入縣
庠年七十三歲卒

周戊生妻胡氏年二十一戊生歿遺腹生子志羽氏苦志撫之
三十餘年卒

焦世慶妻陳氏年二十餘夫亡三子俱幼世慶故主事鉉鑑
孫家世繁麗氏屏謝一切推布操作撫孤成立年七十五卒
鄭廷濱妻孫氏年二十三夫故子樞甫五歲家貧氏刻意儉勤
撫之成立卒年七十三邑令道院各匾獎

周懋大妻項氏懋大貧外貿氏紡績奉公姑及大歸病革
氏刲股救不效年二十三茹苦守志年六十二卒

張陞妻羅氏年二十守志撫子萬壽成立教以好善樂施
年五十七卒

太平縣志

卷八 節婦

十

周朗生妻崔氏生子數月朗生卒氏勤紡績以養舅姑鞠子
成立病且革恋恋叭姑老不得終養為恨囑子善事之而歿
國朝

胡世遇妻譚氏早寡家病撫幼孤既長又夭復撫孤孫邑令
王獎曰媿美松筠年七十八卒

項士佳妻胡氏年二十四夫病禱天願代刲股者再不效欲殉
既思姑老子幼乃強起養孀姑二十年無懈撫子成立撫姪
如子縣令任匾曰節傲冰孀卒年七十六

黃國材妻汪氏年二十七喪夫苦志自守紡績累貲安葬三
代露柩年七十而卒

焦可選妻林氏年二十七夫亡苦節撫孤孝事舅姑壽八十
一而終

庠生孫國賢妻崔氏年二十四夫卒苦守五十餘載院道並旌年踰八十卒子柏娶焦氏旺柏復早卒焦年二十二子福生方週撫育成立事孀姑以孝稱年六十卒時稱雙節

杜宗歷妻曹氏舉人杜乾之母宗歷卒氏年十七遺腹生乾乾生有夙慧氏督之無少閒年三十登賢書孫必進弱冠入縣庠未幾相繼卒家徒四壁氏煢煢子處莫保朝夕族人憐而贍之卒年九十

庠生崔國泰妻周氏泰卒氏年二十六遺孤三長及繼季相繼殤次子宗鉉甫三歲撫之動循禮法鉉稍未率教必痛責之不貸與娣姒言必敬手製胥方正有度人以擬陸母年九十自甘與孫曾輩蔬糲同餐蓋苦節終身云

崔金妻周氏年二十三夫歿子羽生甫週晬忍死撫之長入

太平縣志

卷八 節婦

十一

縣庠孫定遠中丁酉武舉氏年八十卒

崔鳴夏妻周氏夫卒氏年十九撫遺孤驚娶媳孫氏驚踰弱冠卒孫氏年二十侍姑撫幼子侃侃出不歸姑媳各寄食母家孫以憂卒周年近八十苦節以俟侃歸

胡廷播妻李氏播疾劇李年二十一剪髮繫於播手矢無他志播歿氏撫繼子承祀晝夜織紝為翁姑營瑩域而以夫祔其旁虛一壙自待卒年七十餘邑令匾旌

胡元窠妻林氏窠病氏刲股以療不救遺孤三歲躬任杵臼上事下撫冰清自勵壽近八旬

曹良務妻孫氏幼有至性刲股救父適曹氏年二十五而寡矢志苦

守訓子暉如入邑庠

式之

國學焦尚位妻林氏年十七歸位數年不孕強位置媵生子

齡度三日媵殞氏自哺之未三十夫歿貧苦自守教子有方齡度列邑庠孫之憲中武科卒年八十餘

黃國騰妻項氏年三十夫死誓志不二遺腹產男訓以大義後氏患病子刲股救之年踰七十卒

李懋光妻林氏年十八夫病刲股療之後夫死紡績以養舅姑歷荒旱兵燹艱苦備嘗守志五十三載縣令匾獎懿節可風李一紹妻方氏生子逢時甫四歲紹亡家貧女紅自給奉姑教子後逢時任浙江縣尉歸裝蕭索氏曰貧固吾分年七十餘紡績不輟

孫雲見妻周氏年十八夫亡遺孤方週堅貞守志孝公姑和妯娌舉族稱賢年踰六十

崔榮壽妻周氏夫早卒撫幼孤玉衡備嘗艱苦稍長訓之

太平縣志

卷八 節婦

十二

若嚴師父中夜篝燈紡績備述世業艱難以勗之玉衡廩鬻宮女適譚亦早寡冰霜之操州里稱其得於母教

項應亨妻汪氏年二十四亨卒子學顯孤幼氏堅守撫之家貧紡績孝事翁姑五十餘年足不踰閭壽八十一以節終

庠生王廷皞妻包氏夫卒氏守節不踰遭家多難翁幽縲絏十餘載氏上求釋翁下勤鞠子備嘗艱辛卒之兩無所憾族人郡守王綱為誌其墓

周長春妻趙氏年二十夫歿無子求殉翁始命繼嗣守之翁嗣昌崇正庚午武舉因非罪陷獄幾被遣戍氏罄粧貲力為申救得釋及翁歿姑病篤以兩幼子託之且授之荆杖氏跪泣受命及故撫教如母稍非禮即涕泣戒之叔以成立年六十三歲卒

庠生方文迪妻周氏夫亡氏年二十六三子俱幼氏晝夜紡績勤苦撫之稍長延師教之子俱成立年八十二歲以節終

項鐸妻張氏年二十七夫故撫孤成立守節五十餘載卒年八十有五

曹有德妻翟氏年十九夫死無子欲俱死不忍上有老姑無人事養乃強活繼姪武定為嗣極艱苦中孝慈備至年七十三以節終

王子蘇妻董氏生子尚升未週蘇貿粵八年卒於粵氏年二十六劬勞萬狀孝養舅姑壽皆九十餘教子成立以選貢仕知縣孫世纓入郡庠年七十八終

庠生周自抑妻黃氏夫卒氏年二十二子方週歲苦志撫孤卒年六十八

太平縣志

卷八 節婦

十三

王九瑚妻盛氏年十九夫喪粵西聞訃求死者數四因勸苦守撫孤子未弱冠殞繼姪承祀又殞氏守益堅織紉自活年逾七十前邑侯陳旌閭

項應祥妻孫氏祥卒氏年二十六家貧勤苦紡績不間寒暑孝事翁姑撫子成立年踰八十猶以箴女自防不苟言笑以貞壽歿

劉自登妻葉氏年二十七自登故家甚貧苦志守節年六旬卒
項柱妻陳氏年二十五柱故氏苦守孝事堂上撫孤成立孀居五十餘載辛勤紡績以餽粥族里翕然稱之卒年八十有一
庠生張捷妻林氏年二十四捷病危氏割股和藥以進病卒不起誓志殉夫家人勸之遂含淚撫孤教之成立年六十七卒

陳廷勛妻王氏年未二十勛遭變子尚在襁褓貧苦萬狀氏矢

志撫孤織紡度日不折不回

胡重生妻陳氏夫卒氏年二十餘矢叀死守歷四十餘載節操凜然
邑令傅匾旌節凜冰霜

查選妻王氏年未三十夫卒氏茹荼飲蘖歷年七十有四而歿
邑令陳匾旌金管流徽

周長生妻趙氏年十六適周夫抱沉疴氏籲天求代晝夜調治
夫殞投繯欲殉者再勸止之女纔半歲撫育及笄適州佐
胡文芳聞之當事邑令陳王咸贈匾旌獎

孫天明妻江氏年二十夫亡無嗣誓不獨生或勸之曰汝夫在日已立
有子一死何可叀謝亡者乃強活動作撫育成立年踰七旬艱
辛萬狀邑侯陳匾獎曰柏舟雅操

孫眉壽妻崔氏年二十三夫殞氏抱孤泣曰宰相從地下其如此
太平縣志 卷八 節婦 十四

一綫何因紡織撫之歷四十年如一日邑令王匾獎其門
伊廷詳妻查氏年二十夫卒遺三月孩氏矢志撫之茹荼飲蘖
垂六十餘年邑令匾獎孤芳啟後

焦廷昌妻程氏年二十七夫卒子文治方六歲氏矢志自守叀終
郡侯匾獎節膺天眷

譚世籍妻劉氏年二旬餘夫卒遺孤甫三齡冰蘖自持晝夜
勤作上奉舅姑下撫孤兒歷四十年卒

王國朝妻趙氏年二十餘夫死子幼茹荼織紡邑令王匾獎
節媿松筠

王欝妻查氏年二十夫卒氏歷年七十二節操凜然

王鈞妻翟氏年二十一夫歿氏守節卒年八十二

監生王昊妻杜氏年甫十九夫卒氏誓志自守至七十八歲終

黃湯妻孫氏適湯三載生子七月夫卒翁姑諭以撫孤延祀為大遂
決志自守卒年八十

胡大受妻方氏年十七適胡越兩年夫亡撫遺孤百計綢繆卒年
八十五

庠生李辰魁妻崔氏年十九夫卒遺子甫週晬氏立志撫之
壽終邑傳官俱匾獎其門

焦禮生繼室李氏父僑居姑蘇禮生貿於蘇娶焉生子未幾
禮生卒氏欲扶柩歸父母兄弟憫其少且遠離弗許氏泣
曰女焦氏婦也幸有子不可不歸操作食貧撫前室子
如己出年逾七十卒

崔鼎維妻程氏夫抱羸疾氏入門承事惟謹及歿悲號不欲
生因念翁姑年老代夫奉養隱忍苦守膏沐不施寢處惟

太平縣志

卷八 節婦

十五

草蓆晨夕紡績積十餘年金病篤付姑曰須以此置產祀吾夫
無使鬼餒也遂卒

李彩鯉妻胡氏大參公孫女聰慧貞靜歸李二載夫殞氏欲
殉舅姑諭止命擇姪大莘為嗣氏撫如己出家貧苦荒科
累氏盡鬻奩田以完稅針織度日貧家女不異也卒年
七十一

湯大肩妾焦氏夫卒一子五歲一子二歲氏念四世兩孤不忍即
死或勸之嫁氏祝髮自誓嫡性嚴事之如姑嘗自飫菜根
榆屑而膳嫡以甘脆訓子媳以友愛惇睦為先年六十餘猶
躬親操作不倦

程國忠妻周氏夫故氏年二十四子甫五歲時教之曰爾早失怙
當敬遵兩叔父訓稍有過切責無 姑息子果成立晝夜紡

績至老不衰卒年七十六

陳時瑞妻崔氏年二十夫卒撫孤子守恒成立娶媳鄭氏未幾守
恒亦殞鄭氏上奉孀姑下育幼子婦姑冰蘖自持崔氏卒
年八十餘鄭氏亦踰七十里人稱為雙節

趙希 妻汪氏年二十一夫客死聞赴欲殉既念子瑞生僅三
歲竭力撫育日夜紡績以自給卒年六十七道臺孫獎匾
曰貞心千古祀節烈祠

周之新妻趙氏年十九夫卒氏矢志自守躬操井臼業勤緯絡
年六十五終祀節烈

孫尚森妻黃氏森應試舟覆溺死氏年二十自經以殉者數
四皆救甦翁姑因諭立孤氏乃茹荼飲泣仰事俯育二老
得叻養終一子得以成立年七十餘卒

太平縣志

卷八 節婦

十六

程逕妻孫氏年十六夫卒遺孤數月親族利其貲屢凌逼
之氏以禮自閑絕不為動卒年七十有二郡主黃匾獎貞
德垂芳

方瑄妻崔氏夫死氏年二十五遺孤二強活撫育之謂人曰吾
雖生猶死也衣不解髮不櫛食荼茹蔬形毀骨立奉公
姑不少違禮子稍長教之以正及卒鄰族莫不欽惜之

廩生崔學文繼室林氏性謹肅年二十四文病篤囑曰吾不可
為矣吾親與子責在爾無過慟自傷貽吾泉下憾氏泣
頷之及卒進膳舅姑必拭淚以前課子嚴以壽終

孫宗樸妻陳氏年二十五而寡孝事尊嫜撫孤能教以正朝
夕饗殮悉從十指卒出年八十餘

周之麟妻孫氏適周末及一歲麒外出歸家貧甚姑欲嫁

之氏泣曰是得幾何何若留氏力作以供朝夕耶乃辛勤自給養姑姑病疾飲食坐卧胥賴氏抱負之積二十年不衰及歿祭葬皆盡禮卒年七十八

崔華生妻項氏年二十夫卒守志辛勤紡績不廢寒暑七八歲卒

邵灃妻周氏夫早卒無子抱娣翟氏次子育之翟氏灃弟治之妻也治生二子遭賊傷歿次子育於周周闔戶撫孤哀泣終年未嘗露齒過哀成疾未幾卒翟氏一身力撫二孤朝夕飲泣兒稍長翟亦隨卒族人莫不哀之稱為一室雙節

孫應亮妻陳氏年二十五夫亡悲痛欲絕妯娌指遺孤勸之遂矢志撫育貧困無怨言卒年八十

太平縣志

卷八 節婦

十七

陳養妻崔氏夫卒氏年十九誓死呌殉家人呌有遺孕止之後果生子苦志撫育呌節終

程尚遜妻焦氏善事翁姑娣姒無間言夫疾刲股療之效而忽殞氏年二十六子皋甫三歲矢志撫之卒年七十五邑令傅匾獎北堂貞操

焦沛妻周氏年二十八夫亡無子立姪宏起為嗣愛如己出娶媳劉氏未幾子媳俱歿孤孀治兩喪拮据萬狀隨又擇姪立之以延夫祀

庠生焦其芬繼室湯氏撫前室子如己出年十八長子三歲次子猶在孕而夫歿氏性剛烈人無敢呌浮言入其耳見夫手澤輒淚訓二子動必呌禮年將八十卒

周謚生妻孫氏年十七夫卒家甚貧族斂米代營葬氏操作

充晨夕并日而食嘗借光月雪以勤紡織族屬罕見其面勤
餒二十餘年竟以勞瘵終

孫貫妻浦氏貫父以遭誣繫梁谿獄貫十九^年奔救父走京師
數次父得伸錫之人競賢貫浦乃以女贅之踰年貫卒母王
氏往哭兒兼欲偕其夫歸不聽王氏毅然歸浦氏牽姑衣
長跪痛曰姑歸必與媳俱否即觸石死王氏以青年難
之既察其志堅乃攜之歸隨遇歲荒艱萬狀終無怨言卒
之日鄉人莫不哀之

程國旺妻汪氏夫卒氏年二十四家貧紡績荒茹菜根度日隣
有富室謀娶之氏常蓬首不飾容一日娣姒忽促粧氏覺
怒甚以頭觸火爐髮焦面破衆懼乃止卒年七十三

崔長生妻汪氏年二十四夫卒子在襁褓家貧守志族黨稱

太平縣志

卷八 節婦

十八

之以節終

崔世茂妻周氏年十九夫卒子生甫三月氏撫遺孤形影相吊
備歷艱辛三十餘年內外僕從罕有識其面者卒年五十二
項子楫妻周氏年二十四楫亡典橐為殮勤苦自守卒年六十有二
周自紳妻汪氏年未三十夫故氏捐膏沐躬補紉撫三歲孤
養育備至孤寒熱稍失常即號呼求以身代曰吾舅
止此矣子後果成立卒年八十

別駕孫正氣繼室張氏年二十八夫卒撫幼子大讓擇師課
讀出入必軌於正卒年六十有九

程景棠妻桂氏夫卒氏年二十八三子俱幼母家欲奪其志
氏毀容自誓竟與母家絕往來家甚窘課子耕讀紡績
不輟寒暑尤善事舅姑歲飢計其家之餘悉出以周族

黨之貧者卒之前一日召其子指篋授之曰此借券也貧不能償悉為我焚之翌日整衣危坐無疾而終年九十有八

黃良可妻項氏性貞靜年十九夫故欲死殉謂家人曰夫無嗣則無祀矣生何為良可弟庠生資猷許繼叭子氏遂飲痛茹荼撫子延祀事舅姑尤無闕禮卒年八十

杜攀桂妻甯氏年二十夫歿無子獨養姑二十六年姑歿塋畢是夜即沐浴投繯卒

江瑞麟妻陳氏歸甫三月麟殂氏自縊者七自刎者二皆叭救不死翁姑泣勸曰予長子先亡遺有一孫能養二老撫一孤勝徒死多矣氏遂以針黹度日送翁姑終撫孤成立克延江氏祀卒七十有五十指皆叭拈針過多屈不能伸庠生汪從龍妻胡氏年二十二夫故貞守勿懈歷四十餘年始

太平縣志

卷八 節婦

十九

終如一訓子猶多義方

庠生李擢魁妻崔氏年二十餘擢魁卒氏慟號絕粒求死母姑咸勸曰二孤在何不為其難者氏因勉撫成立艱辛備嘗年踰六十卒

湯道慶妻沈氏年二十四夫亡繼姪景賢為嗣事繼姑叭孝聞雖處富室若貧家婦終身不飾容年六十餘卒

孫元甯妻伊氏年二十七喪夫守志三十四年卒

謝春妻翟氏年二十二夫卒氏勤蠶桑操井曰課子訓女慈兼叭嚴女適舉人杜瑜卒年六十七

譚鳴妻查氏年十八夫亡矢志守節蓬首破衣淡泊自甘紡績不倦卒年八十有二

庠生譚經濟妻崔氏年二十二夫病顛天代死及卒自縊者

再姑勸之忍死苦節自甘終年不出戶庭叻憂思成疾卒
焦威妻孫氏年二十一夫喪貧苦守志艱辛萬狀年踰八十卒
崔士襪妻李氏夫亡年二十五甘貧訓子潔志完貞卒年
六十八

監生孫兼妻焦氏年二十二夫卒氏茹冰飲蘖年踰八十節
操凜然

李時震妻陳氏年二十而寡一子未週晬氏日勤紡績上事
二親養送如禮下撫孤嗣慈嚴兼著卒年七十餘

孫彭妻胡氏庠生胡起鵬女年二十三夫亡捐脂粉椎髻蔬
羹終身不越戶卒年七十有九

李時多妻譚氏年十九夫出外身亡氏聞訃欲死因懷孕
未決後果生一子事姑育子曲盡孝慈邑令王匾獎媿

太平縣志

卷八 節婦

二十

美韓柳以壽終

查天玉妻胡氏年二十三夫亡即自經以殉姑急解之曰爾孤
甫一月誰為撫之叻延查氏一綫氏乃飲泣強起養姑叻
孝訓子成立年屆七十猶朝夕紡織不懈邑令任匾獎
曰苦節可旌

林大友妻胡氏夫亡年二十四遺孤未兩歲勵志自守孝姑
課子性復喜施戚里無告者贍給不吝邑令王匾曰蕙質冰心
胡本怡妻陳氏年二十四怡叻苦讀成疾有子四歲囑氏撫孤氏
泣受命尋歿氏撫子慈不廢嚴教有義方居家勤儉終
身茹素年踰六十卒

焦邦簡妻劉氏貞淑敬戒克盡婦道夫亡氏年二十指誓
天日冰蘖自持卒年六十

孫尚愛妻胡氏年二十餘夫亡氏誓撫二孤艱苦萬狀竟克成立
年屆九十終

崔學昭妻程氏夫歿氏年十八家徒四壁紡績撫孤不出門闔者
四十餘年邑令陳獎曰純節維風

崔大鶚妻項氏鶚未舉子氏勸貸娶妾吉氏踰年項氏生
男維國甫四歲夫亡二氏同苦守撫孤卒年皆八十餘孫
子蕃衍

崔允襄妻孫氏年二十五夫歿氏堅守夫弟無賴橫欲奪
其志迎者已及門氏覺逃避以免謀者不已氏集族人哭
告持刀欲自刺衆驚救羣詬詈夫其弟謀乃寢日以女工
自給族間奉為女師後夫弟廢家產且盡不顧父養氏
獨孝奉不衰年七十八卒

太平縣志

卷八 節婦

二十一

周書妻翟氏年二十一夫亡遺孕生子天錫撫教之英年遊庠為
娶崔氏未幾錫又歿崔氏有半歲兒姑媳共撫成立翟
氏八十五卒崔氏六十五卒康熙間竝坊旌

湯寶臣妻李氏夫故氏年二十五守志撫孤必急教誨故其子
孫皆名列鬻序疾革問遺言惟囑以忠孝二字康熙間旌
周訪妻王氏夫歿氏年二十翁姑已老遺孤在襁褓中氏上事
下育不憚艱辛以節終雍正間旌

周光睿妻崔氏年十九光睿病無嗣氏稽顙北辰祈代不起
睿本少孤父母皆未克葬氏紉獨摒擋併夫柩座之居
常茹蔬食糲覲閔受侮百折不移久之繼嗣乃定後子溥
登賢書賴母教也年六十七卒雍正間旌

項鈞妻方氏年十九夫故遺孤數月氏恩勤撫育足不踰戶

事翁姑更以孝聞雍正間旌

庠生崔毓秀妻汪氏性端靜于歸後鬻服飾以佐讀夫入泮未幾病歿氏年二十八痛不欲生舅諭之曰吾子有志未伸若能撫吾孫成父志不愈徒死耶氏受命教子有方子龍雲果以孝友端方膺保舉歷任運河別駕雍正七年旌

方學岱妻崔氏家困乏井臼自操鬻粧奩佐饗殮居二年夫病晝夜祈禱夫死無嗣躬養翁姑務得歡心翁姑亦視之如子後歿終喪如禮守志六十九載雍正間旌

張光易妻崔氏翁衰老氏奉養無不曲當其意有三姑事之如一夫嗜學兼善書篝燈佐之稱佳偶未幾夫故年二十餘撫幼子教誨式穀以壽終雍正間旌

庠生崔建中妻焦氏建中早歲遊庠隨病故氏守志善事翁姑姑太平縣志 卷八 節婦 二十一

本建中繼母氏能事事得其懽子維祺長娶媳生孫旋歿氏與弱媳復撫雛孫三世一線賴以克延雍正九年旌

項惟桃妻崔氏年二十桃歿無嗣氏繼姪為子翁姑俱老氏孝奉之紡績不給鬻粧奩以供菽水雍正九年旌

汪恂妻項氏性貞靜言笑不苟年十八適汪五載夫亡哀毀屢絕復甦念姑亦孀居強起奉事以夫弟次子為嗣僅七齡隨殤氏愈不欲生夫弟又隨歿僅一幼姪氏撫之成立姪又早亡三世五棺氏罄所有營葬刊碑誌之雍正九年旌

譚世組妻李氏年二十三夫故孤數齡家窘甚氏糠粃自咽得粟米則以奉翁姑飼幼兒卒年八十六雍正九年旌

李時安妻方氏年十六歸李事翁姑能盡婦道閏二年夫客死子在襁褓氏求死翁姑止之氏乃茹荼撫孤守貞四十二載

雍正九年旌

胡文蔚妻劉氏年二十七夫故欲殉翁姑指襁褓兒諭之曰若復無母能活耶氏忍淚強起孝事翁姑子長事事教以遜讓壽六十四卒雍正九年旌

孫颺舉妻陳氏家貧乏孝養翁姑未嘗缺禮年二十夫亡遺孩數月家已子單傳三世矣氏念宗祀未絕如線忍死乳哺延夫宗祀百計摒擋一脉以延卒年五十三雍正九年旌
監生李天培妻鄭氏年二十夫歿子幼翁姑年老氏盡心孝養教子如嚴師後子若孫俱入庠雍正十年旌

周元鴻妻劉氏家極貧氏勤紡績佐甘旨未幾夫歿氏年二十六下撫幼子上事八旬老翁扶持調護無不備至人稱孝婦雍正十年旌

太平縣志

卷八 節婦

二十二

庠生譚首選妻汪氏年二十夫病篤子吉生生甫三月抱囑曰譚氏一線惟爾是托氏涕泣受命及卒氏撫孤保護至刻不忘夫囑及長為娶焦氏亦年二十甫生子吉生歿焦堅欲殉氏曰吾豈願生者顧受先人撫孤囑乃苟活耳今幸遺一孤譚氏一線猶存奈何不善撫之以延先人祀焦泣聽姑媳斃依週辟兒為命後竟成立雍正十一年旌

張兆廣妻崔氏夫病故氏年十八子膺標甫歲餘翁姑最愛憐之氏欲殉者再懼幼子無依重傷翁姑心忍死撫之雖甚鍾愛督課甚嚴長娶媳程氏崔病篤程刲兩股療之尋愈不數載膺標又早亡程年二十四姑崔守子二十餘載復早夭痛不欲生氏曰昔太翁姑愛夫而姑忍死今獨不念孫乎乃自藏哀曲為承順兩世一孤姑媳撫之卒以成立竝邀

坊旌坊在梅峯之麓建初成有巨石如屋自山巔崩墜觀者失色及至坊恰從中出止於田量之其間不能呷寸坊巍然無毫末損人皆歎異

焦寄壽妻李氏及笄而歸五載生二子夫死長子三歲次甫數月家極貧翁姑已老氏有無黽勉老賴以終撫孤既長皆授室生孫亡何長子與媳並故次子瞽而媳亦隨亡氏鞠育雛孫復如鞠子乾隆間坊旌

焦吉祥妻崔氏年二十八夫亡遺一子勤撫之三歲殤氏痛甚絕粒已數日吉祥弟亟以子繼之乃強起力延夫祧姑歿事後姑並得其歡心乾隆間坊旌

胡松祥妻項氏年二十夫故子二齡堅守撫之百苦不渝乾隆間坊旌

太平縣志

卷八 節婦

二十四

李大敷妻汪氏夫亡氏年二十撫姪為子其姑敷繼母也氏善事之以孝謹聞乾隆間坊旌

方振先妻汪氏年二十四夫亡無子氏以死殉家人救之繼姪為嗣撫之成立年逾七十猶勤紡績治家均而和庭無間言

乾隆間坊旌

夏可輪妻李氏年十八適夏未一載夫歿氏痛極以有遺娠遂強活已而生男鞠育備歷艱辛惟貞靜年至七十餘言不外出乾隆間坊旌

戴士珊妻焦氏年二十四夫故父母無他奉養子定國未週碎氏孝事翁姑教子成名乾隆間坊旌

胡有瑤妻方氏年十七夫故以帛自縊家人救之勸云汝欲殉夫奈夫之父母無倚何氏泣從家極貧糴取給十指翁姑甘

旨未嘗缺俱八十餘終塋祭以禮繼姪章保為嗣苦節五十年乾隆間坊旌

崔其信妻胡氏年十七歸崔紡織佐讀家雖貧夫無內顧憂六載夫歿痛哭絕而復甦事姑惟謹教子壽山列庠序卒年七十一乾隆間坊旌

孫聯桂妻沈氏青年守志撫孤成立茹荼服惡者五十一年乾隆間坊旌

陳渭妻林氏渭庠生輔性長子年二十病故子長庚僅二歲氏青年苦守孝翁姑撫幼弱五十餘年卒乾隆間坊旌
焦雲來妻邵氏年十八歸焦四載夫故一子秀拱甫二齡氏撫之自食蔬糲上事舅姑孝養備至苦節五十三載乾隆間坊旌

太平縣志

卷八 節婦

二十五

陳理瑞妻譚氏夫故民二十一無嗣以兄子世繼為後撫育成
立所有家產一聽夫兄自裁如是者三十六年乾隆間坊旌
譚一鎮妻陳氏年二十一歲夫亡撫孤子愛而能教嗣裔繁衍
四世一堂皆氏之貽乾隆間坊旌

梅尚植妻焦氏植讀書未遇早歿氏年二十一遺腹生子振先堅
守之教以讀書成父志乾隆間坊旌

項之謙妻譚氏十六適項未幾舅姑相繼歿謙兩弟俱幼氏竭力撫之年二十四夫病故氏苦守持家政氏夫弟生子乃繼為嗣
勗以義讓家庭雍睦乾隆間坊旌

黃本振妻孫氏年二十五夫亡生子甫週氏撫之躬操井臼以養舅
姑乾隆間坊旌

庠生黃本過妻譚氏夫亡氏年二十六生子三齡家貧乏氏事

上撫下備極艱辛三十餘年乾隆間坊旌

何守檀妻胡氏夫死氏年二十三遺孤興隆甫三歲氏不欲生姑泣曰吾一人已老孫幼三世在汝一身奈何言死氏遂志事翁姑生死如禮教子成名乾隆間坊旌

王應璉妻翟氏年二十一夫故子甫二齡時夫弟亦遺孤甫一週俱氏撫育兼上奉翁雖極艱窘生事盡孝死葬盡禮苦節五十九年乾隆間坊旌

劉美妻崔氏十九歲適劉甫半載夫故無嗣繼姪撫之備歷艱辛凡四十六年乾隆間坊旌

劉塘妻周氏年二十一夫故氏懼翁姑傷慟含悲孝養委曲承顏繼姪為子愛逾所生守志四十三年乾隆間坊旌

張光豪妻汪氏年十八適張善事舅姑四年夫亡遺六月孩貧太平縣志 卷八 節婦 二十六

不能給晝夜勤紡績以自活撫孤成立守志四十八年乾隆間坊旌
周瑞侯妻胡氏歸周末二載瑞侯歿翁姑年老慟欲絕氏轉慰之曰毋過哀幸有遺腹倘生男尚延祖脉也踰月果生子氏食貧焦苦常弄藐孤於二親側以解其憂退則淚潸潸也子後成立翁姑俱八十餘卒乾隆間坊旌

程天璧妻焦氏年二十四夫亡數日勺水不入時一子三歲兼有遺孕翁姑亟勸之遂食矢志撫孤家貧竭力孝事舅姑績紵無間隣人罕覩其面乾隆間坊旌

劉大渙妻譚氏年十六適劉夫攻舉子業氏時脫簪珥以資膏火夫歿氏年二十三不出外闕惟勤作以事翁姑鞠育遺孤卒年七十二乾隆間坊旌

胡學球妻孫氏學球父本怡早世母陳守志撫之長為娶氏歲

餘生孫文波學球又亡氏痛夫不欲生又痛姑與兒不敢死極力孝養陳知大義性好施氏皆曲成其志教子膺歲薦仕望江訓導乾隆初姑媳並邀坊旌

李兆盤妻汪氏年十七歸李四載夫歿時盤祖母與父母俱存氏皆善事之繼叔子承夫祧愛若己出而教之有法歷數十載如一日乾隆間坊旌

黃淮妻汪氏歸黃年十九家甚貧勤紡績以佐夫讀淮赴試病歸氏百計祈治卒不起時翁姑俱存未敢殉夫又苦無遺孤乃繼嗣撫之成立守節四十五年乾隆間坊旌

葉應鼎妻黃氏年二十二夫故未有嗣翁姑繼以姪氏勤績撫孤供親自甘粗糲人不能堪親族罕見其面乾隆間坊旌

太平縣志

卷八 節婦

二十七

周承守妻黃氏夫病篤誓同死尋歿氏不欲食誓言姑曰此亂命也汝不為嗣續計乎乃抱姪為子撫之姑竟以悼子喪明氏朝夕扶持數十年不稍衰乾隆間坊旌

黃惠元妻汪氏夫故氏年二十四遺孤二長三齡次未晷月痛哭幾絕稍甦見二子牽衣呱呱泣曰吾幾誤矣遂含哀守志教二子俱成名乾隆間坊旌

梅夢遣妻伊氏年二十一夫亡氏事翁姑一飲一食必以愉婉奉之鞠遺孤既長連舉四孫乾隆間坊旌

崔宏軒妻焦氏夫故氏年十八無子繼姪起為嗣撫育教誨嚴而有法以壽終乾隆間坊旌

庠生胡景元妻周氏景元病故氏年十九無子繼姪堅守翁姑年老代夫盡孝終其天年乾隆間坊旌

崔九錫妻孫氏九錫隨父赴府應試遭溺訃至氏痛欲自盡姑以夫嗣勸氏乃強就生撫養繼嗣恩勤備至隨翁歿事老姑更以孝聞年六十深夜猶聞紡績聲乾隆間坊旌

方嘉正妻胡氏年二十四夫故急欲身殉回顧藐孤呱呱泣遂忍死家徒壁立孝養翁姑未幾翁又歿益窘困惟恃紡績以養姑鞠子已嘗飢寒自忍乾隆間坊旌

方延齡妻程氏年十九適方時夫已染病半載未幾歿氏曰尚何生為翁姑止之曰汝死則余老人愈無依隨姑又又以痛子成疾歿氏專事老翁曲盡孝養立姪為嗣容止嚴肅見者畏敬年五十七卒乾隆間坊旌

孫天鳳妻吳氏年二十二夫故氏痛之嗣翁姑命繼姪氏奉二親撫孤弱茹苦五十三年卒乾隆間坊旌

太平縣志

卷八 節婦

二十八

陳惟旭妻譚氏夫死氏年二十五子三歲一遺腹子俱撫之成立乾隆間匾旌

汪宗輝妻崔氏年十六適汪淑慎端莊事翁姑極謹恪年十八夫亡痛甚轉恐翁姑傷悼承順有加繼姪為嗣恩如己出置夫主於寢朝夕焚拜每食必祭及翁姑繼亡亦如之卒年幾七十乾隆間匾旌

庠生項淦側室朱氏年十四歸淦八載應試病故氏聞凶慟絕復甦正室羅氏曰吾老子幼汝兼有娠徒死是迫吾與子俱死也氏遵諭踰時復產一子家世清貧兩離瑩子氏事嫡撫孤皆出燈燼指血羅亦貞靜黽勉忘其為嫡庶閱數年羅病不仁氏進食拭穢二十餘年不倦及歿鬻夫遺產琴乃克殯孫毓秀三月喪母時氏年已老卒勤自哺曰吾昔日

不死正冀有此也卒年七十乾隆二十年坊旌

湯顯任妻孟氏夫亡氏年二十夫顯任南雄知府為霖子氏父時芳亦為淮安司馬生長逸樂反夫翁繼歿家中落氏茹荼守貞五代婚喪一身支持晚年益窘有至戚欲迎養其家氏曰為奉養而遠違先人塚墓非道也沅未亡人乎終不從卒年五十五乾隆二十年匾旌

焦其蕃妻陳氏青年守志以節終照府志補

以上乾隆志

貢生李恒魁妻程氏魁苦讀多病氏忍饑寒積錢延醫櫛沐俱廢年二十四夫亡卒年八十乾隆間坊旌

增生胡藩妻程氏藩長氏年以倍藩歿氏年二十六子幼姑老氏上事下育兩無所負以節終乾隆間坊旌後二子有愷有恒

太平縣志

卷八 節婦

二十九

俱國學

陳一愉妻趙氏年二十八愉病篤謂氏曰白髮黃口惟汝是賴幸母輕死言已遂瞑氏悲慟承遺命仰事盡禮俯育有成八十六卒先是愉奄在堂鄰火延燒幾不免氏撫棺悲號火竟熄咸謂至誠所感云乾隆間坊旌

項惟誠妻陳氏年二十九夫故翁姑俱存氏鞠穉子兼盡孝養姑歿翁老飲食衣服唯所欲翁稱孝婦以節終乾隆間坊旌

崔以煒妻章氏年十九歸崔甫五月夫因拯姪俱溺死氏絕食數日既乃承翁命繼兩伯氏子為嗣衰經三年歷節已三十四年乾隆間坊旌

李學雄妻任氏年十七歸李二十一夫故矢志守節孝慈備至

卒年九十餘乾隆間坊旌

周嘉珂妻項氏歸周翁姑亡逮事祖姑孝養最謹年二十六夫病革囑以繼嗣而暝氏如命立姪凱所居鄰縣治氏曰昔孟母以近市而徙宅奈何居子於此遂遷於恭節祠右教之遊庠又助田以資塾課嘗買僕石邑詢知僕有老父無依即并婢女資遣之年逾六十以節終乾隆間坊旌

黃道河妻胡氏歸三載夫亡繼姪為子克盡恩勤奉姑以孝紡績苦守三十二年以節終乾隆間坊旌

張膺楫妻崔氏膺楫幼敏嗜學氏佐讀時相警戒年二十四夫亡謹事翁姑撫子鍾琬教子入鄉校守志五十餘載卒年八十二乾隆間坊旌

崔學檜妻畢氏年二十七夫亡守節三十載歿長子以妻畢氏
太平縣志 卷八 節婦 三十

次子以燦妻劉氏夫病皆刲股療之相繼死畢年二十五劉年二十六勵志共守年俱七十餘以燦子正心復早亡媳孫氏年十九亦苦守卒人稱其一門完節娘妻畢氏與姑同坊旌
周宏楓妻程氏歸周一月楓遠出兩載以病還旋卒氏年二十翁姑諭曰家貧吾二人老汝宜自為計氏對曰與為失節生不若苦節死但恐今死翁姑不堪重累耳聞者莫不酸鼻冬紡夏績以自給饗殮惟二瓦缶一煮粥一煮茶每歲發義倉氏甫能一噉飯以苦節而終乾隆間坊旌

胡有道妻孫氏年二十一而寡事姑教子甘心孤苦始終不渝子知本入邑庠氏年五十六卒乾隆間坊旌

周宏杏妻牛氏年二十夫故子甫二歲翁已七十餘瑩瑩一身養老字幼百計摒擋動以禮法自待子稍長教之皆有規矩

以節終乾隆間坊旌

胡有憲妻項氏年二十二夫溺死遭遺孕生子立本撫之成立入國學以節終乾隆間坊旌

項惟紀妻葉氏年十九夫亡翁又繼歿氏勤紡績以養姑繼姪為嗣撫之成立年八十九卒乾隆間坊旌

李恒芳妻趙氏年十六歸芳十九歲芳亡守志備歷艱苦卒年六十八乾隆間坊旌

曹三傑妻陳氏年十八傑亡子承恩纔生七月傑胞弟周喜妻陳氏年二十喜亡子週歲殤二氏妯娌守志事姑盡孝共撫承恩長八歲均卒年各八十餘及見曾元十數人孫世澤觀瀾皆列膠庠乾隆四十七年並邀坊旌

張邦垣妻譚氏年十六適張四載夫亡欲身殉念家貧姑老太平縣志 卷八 節婦 三十一
子週歲忍苦守節孝姑三十餘年無少懈又善教子卒年八十八乾隆間坊旌

王大柱妻胡氏年十七于歸二載柱歿茹荼自厲孝事姑撫姪為嗣教訓成立奉 旨匾旌以清標彤管勒石

庠生趙嶷妻胡氏夫苦讀早卒氏二十三歲家極貧紡績撫孤娶媳焦氏亦早歿孫甫三齡又撫孫成立以節終乾隆間坊旌

程有鑰妻汪氏十五歲于歸夫故忍哀守節孝養翁姑繼姪之瑤為嗣撫育倍切入國學守節四十五年乾隆間坊旌年八十三

趙文柅妻汪氏年二十二夫亡事舅姑孝養不匱撫姪瓊為子課讀入郡庠守節四十三年乾隆間坊旌

王大琦妻查氏年十八琦以攻苦成疾卒氏飲泣不食曾祖姑泣諭之曰若以身殉夫曷若代夫養姑乃強起立夫弟子德照為嗣事堂上人愈謹鍵戶紡績垂老雖至戚罕見其而撫子及孫相繼遊庠氏卒年八十乾隆間坊旌

方元幅妻汪氏生員汪履青之女性貞淑年十六適方勤紡績佐夫苦讀未三載夫亡守志女紅自給孝事翁姑教子 柱並列貢監苦節六十二年乾隆間坊旌現年八十

陳元卿妻焦氏歸陳五年夫亡無嗣奉姑孝撫姪慈家素封甘荼苦姆教組紉無間寒暑甲戌夏聞父病乘夜往視見其危篤愴惶失措默禱神前求以身代未幾父漸愈氏隨染疫喪母家時人感而哀之姪太學生思藻嗣乾隆間坊旌祀節孝祠

太平縣志

卷八 節婦

三十一

鄭宏澤妻程氏庠生聖功女姑老無齒叻女送人乳姑人皆稱孝年二十三夫歿子甫遇歲隣人不戒於大夫 在堂氏抱棺號泣不去火竟熄子長娶媳余氏子又歿姑媳孀居艱苦萬狀繼孫之珍承桃程年八十餘卒乾隆間坊旌余氏現年六十三

焦秀聰妻林氏未婚聰買西蜀未日氏年十七適焦為養媳孝奉翁姑如父母翁姑以聰久不歸憂形於色氏每勸解之逾九載而得夫亡信痛絕數次翁姑憐其未婚勸改適氏聞即引刀牽繩欲自盡翁姑泣止之乃誓志守貞盡售簪珥繼姪承嗣乾隆間坊旌卒年八十餘歲

焦秀產妻陳氏年二十夫歿氏矢志苦守撫繼子成立卒年五十八歲乾隆間坊旌

故儒程緒智妻孫氏年二十二夫亡無子氏求死舅姑諭以大義繼二姪為嗣撫之成立孝事翁姑叻壽終乾隆間坊旌譚士品妻胡氏年二十夫亡翁姑白髮遺一子甫二歲仰事俯育備盡孝慈居常粗糲自甘其族黨有義舉必命子捐貲勸成之現女八十五乾隆間坊旌

周顯樟妻項氏年十七適周夫歿子祖煒甫三齡氏堅守撫之孝事舅姑舅先歿姑患瘋疾卧床褥數年氏扶抱飲食不時浣濯族稱孝婦守節五十餘年祖煒國學生乾隆間坊旌

汪祥萬妻胡氏年十八歸汪二十一夫故勤苦勵節撫姪延祀卒年七十一乾隆四十五年旌

庠生李振聲妻孫氏聲館濱河夜遭蛟水殞命氏年二十三後太平縣志 卷八 節婦 三十三

撫姪啟基為嗣教之讀書食餼邑庠坊旌

庠生崔永年妻張氏永年苦讀喪身氏年二十五撫姪為兒完室家未幾兒以病故媳亦隨卒又為兒繼姪孫叻嗣勤苦備至年九十終乾隆間坊旌

崔正昂妻李氏年二十七夫故氏斷葷茹素以守志上奉翁姑下撫孤子時宏成立中間零丁孤苦罔不備嘗年七十一卒乾隆二十七年坊旌

監生崔雲駿妻胡氏青年守志孝事翁姑遺孤二教育成立並列成均平時施棺修路類多善行嘗將西冲田三畝烏洋山租六秤輸入縣察院碑記首列其名乾隆間坊旌卒年九十二歲

汪永興妻崔氏年十七于歸甫三月夫染疾氏脫簪珥易參苓

晝夜禱祈大愈越六月卒誓以身殉翁姑勸阻之立叔元棟子希文為嗣教以詩書英年遊泮氏守節六十餘年不入寺院不觀燈劇刻苦積有餘金每月朔望吹濟貧窮乾隆間坊旌卒年八十

汪慶齡妻崔氏年十八適汪六載夫亡苦志撫孤甚得翁姑懽心朝夕紡績遵乃翁遺命為其子繼成捐入國學嘗捐資修平道路并分其餘賃與二叔乾隆間坊旌

胡文標妻周氏于歸四載標亡氏上事翁姑下撫弱子言可為女箴行可為閨表乾隆間坊旌

周顯健妻項氏家貧夫外貿體孀姑志撫養幼叔得孤歡心年二十夫歿子甫二齡氏痛姑老子幼不敢身殉閉戶紡績吹充日用母家雖近終不出周門年逾七旬而歿乾隆間坊旌

太平縣志

卷八 節婦

三十四

胡御龍妻趙氏 乾隆二十七年坊旌

周元衡妻崔氏年二十夫亡事姑盡孝子天撫姪為嗣苦節四十餘年臨終以遺田輸族祠為祀產乾隆間坊旌

譚士魁妻趙氏 乾隆三十五年坊旌

崔以烺妻畢氏 乾隆三十五年坊旌

梅大浩妻江氏 乾隆三十五年坊旌

周芳聯妻崔氏性淑慎事夫甚謹夫病篤約同死及卒從容視殮人不及覺已自經死乾隆間坊旌

周承惠妻崔氏年二十二夫故氏矢志冰霜歷六十餘年而終乾隆間坊旌

周承瑞妻杜氏年二十三夫亡視殮後乘間結帛於側姑覺勸之遂忍死事姑嗣姪為後年八十三卒乾隆間坊旌

陳詩妻汪氏 乾隆二十八年坊旌

王守儀妻周氏 乾隆四十一年坊旌

周宏經妻陳氏年二十四夫故遺孤顯祐僅二歲茹荼撫子之娶
媳生孫子又卒與媳撫孫苦節四十餘年乾隆間坊旌

孫文儒妻周氏 乾隆五十五年坊旌

孫世春妻崔氏 乾隆五十五年坊旌

陳加賜妻項氏 乾隆五十九年坊旌

項一紐妻劉氏年二十夫歿無子甘貧守志繼姪為嗣撫養成
立事翁姑尤以孝聞現年七十一歲

王光福妻高氏蕪湖庠生高星若女年二十三夫故遺孤未週
家貧以紡績養翁姑撫子成立現年五十七歲

庠生曹炳烈妻黃氏黃士蟠女年二十四夫亡守志孝養邁姑

太平縣志 卷八 節婦 三十五

撫育猶子苦守三十二年閨門不出言笑不苟現年五十
五歲嘉慶十二年坊旌

程上軫妻崔氏年二十三夫故二子皆幼氏悲痛幾絕既而曰
高堂年老子在襁褓不可以死塞責爰督家人治喪盡禮
孝養公姑課二子嚴如師保皆成名嘉慶八年坊旌

崔豐妻鄭氏年十七適崔門閱兩載夫亡哀慟絕食扃戶就
縊家人解救得不死躬紡績典質簪珥以養翁姑未幾
翁歿姑患癰疾叔纒弱齡家益窘氏竭力扶持辛苦百
倍撫叔成立完婚繼其子為嗣年八十二而卒嘉慶十
二年坊旌

李文才妻陳氏年二十一夫亡家貧紡績以奉舅姑鄰火延及
益貧如洗氏無怨色勤女工度日撫姪良揆承祀亦為娶

陳氏女揆復早亡陳氏姑媳依倚勵志完貞姑歿媳終喪盡誠愈刻苦撫姪君成泰成完聚成立現叭雙節請旌

庠生崔棊妻劉氏棊體羸弱素有血疾因赴秋闈歿於金陵輿櫬歸氏年僅十九哀毀盡禮呼搶欲絕叭家人防護不得身殉吞聲忍淚事翁姑曲盡孝道撫嗣姪恩義並至年六十而卒嘉慶丙寅年坊旌

周宏 妻孫氏青年苦志足不踰戶姑歿 在堂鄰火延及己宅氏抱柩號泣不出火及簷而止繼姪人俊為嗣課業遊庠舅年逾九旬患瘋症不能行走氏率子若孫日夜扶持五年如一日守節四十七年嘉慶十一年坊旌

程有鏞妻汪氏夫故時年二十歲翁姑六旬子僅三月忍哀事育嘉慶三年坊旌

太平縣志

卷八 節婦

三十六

陳太和妻劉氏太和死維揚載櫬歸氏一見痛絕念翁姑老不敢求死盡心奉養翁姑病劇治不效氏刲股和藥愈之姑病亦然嘗助租四十秤於節烈祠修時祀守志數十餘年里人叭節孝竝稱嘉慶間旌

周公渤妻趙氏年十九年歿繼姪為嗣日夜紡績雖至戚罕見其面守志四十一年現年五十九嘉慶十三年坊旌

李良揆妻陳氏年二十一歲孀苦節四十三年嘉慶間坊旌
儒童萬黃信妻張氏夫苦讀抱疾卒氏年二十六翁姑老子纔三歲誓志事育孝慈兼至不幸子夭繼姪教育成立備嘗艱苦五十餘載現年八十一歲府憲魯匾獎之

廕生周祖燧妻胡氏有賢德年二十九燧往荊州病歿撫遺腹子有聲成立嘗誡之日汝既獲承先廕須謹守禮法無忝前

人其 大羨如此現年七十

庠生項文德妻周氏年二十四歲孀子甫週辟矢志撫之事舅姑
孝聞含悲紡績無間寒暑憂勞成疾卒

監生項如濤妻譚氏年二十五夫歿無子誓志不貳繼姪承祧事
翁姑極孝撫嗣子以慈現年五十二待旌

方守憲妻陳氏生員方 邦之媳性賢孝家貧翁歿盡出
簪環佐夫治喪姑項氏患痰症竭力奉侍姑疾得痊年二
十八夫賢楚病瘵歸卒氏忍死孝養撫孤成立姑歿盡哀
子又亡遂撫幼孫敬春以延宗祧艱辛萬狀親族賢之
現年六十四

陳良釗妻崔氏 乾隆二十八年旌

庠生程宏超妻劉氏二十歲孀卒年八十府志載現在請 旌

太平縣志 卷八 節婦 三十七

程之彥妻羅氏青年守志孝養克全婦兼子職詩書課子
母代嚴師至今衣冠濟濟皆以節孝所致嘉慶十四
年坊旌

烈女

明

項暹聘妻陳氏望英陳秋女生而端慤里有陳烈婦坊女幼過之必肅拜祖病父刲股創甚母咎之女曰為父母而出此分內事何患焉既叔又刲股慰孀亦然稍長許字項宗傑子暹年十六將結褵矣暹忽病瘵女聞憂不去心居常忽忽尋聞病劇乃揣婢往探倚門延竚頃之訃至瞠然者久之旋登樓如有所備已乃仰天號呼一慟欲絕且聞暹殯於子午即納壙益大慟曰何不少需令我得一拊棺或曰若故處女何至是女勿顧徑徒跣之祖塋哭拜若訣別狀家人始駭愕扶之歸相防衛女有妹方齒亦窺姊意跪而泣曰妹正恃提攜忍舍我耶女故好謂之曰汝勿癡何輕以死料

太平縣志

卷八 烈女

一

人家人卒相守不去女拒以擗踴踊之餘欲澣衣體趣守者出扃戶而浴浴畢更新衣上下急密縫之已又櫛髮時守者環戶外女故遙與語少間內有撲跌聲急抉牖入視則口鼻血噴出莫可救蓋以頸繫床梁拳雙足急頓於地而令吭絕也視其繩則油灌堅紉不可卒解始悟先是登樓凡為此具計其時在酉刻實與暹同日遂合葬於三里岡暹從叔若麟買墓前田一坵議祠之秋曹項幾石為之傳

崔恒壽女信容年十六許配吳未遣夫有惡疾翁恐悞氏青年固請他適父因有異志氏覺強爭之不得遂自縊死

孫學賢聘室董氏鼎姑世訓女許配孫克昌子學賢數年賢天氏聞號哭欲死觸壁昏仆地母救甦又食蛇草實服鉛粉求死皆不驗遂絕食而卒時年十四

國朝

孝廉林翹女婉姑幼喜讀書父笑曰爾欲為女博士耶因授以烈女傳及諸女訓每讀至奇烈苦節輒感慨泣下許字方某之子某未嫁而夫死匿不聞女疑泣謂母曰方郎生死女所共也倘有不諱女豈能獨生不得已以實告女哀號無晝夜必欲拜夫墓從之道經方遂留事舅姑明年舅歿姑李氏自剄女經理喪事畢闔戶自經 照府志載

陳凍未婚妻孫氏孫文泰女幼養於陳恪遵姑訓甚得歡心年十九夫外出伉儷未偕忽聞訃至哀號數絕或勸慰之女曰已失所天安用生為家人防護之氏佯示以不死俟稍疎即自縊於卧榻側

周岳齡聘妻陳氏年未及笄聞夫喪欲往弔父母止之固請
太平縣志 卷八 烈女 二

卒詣周泣甚哀見者莫不灑涕送殯歸絕食卒周請與夫合葬

烈婦

明

周自眷妻羅氏庠生一新女年十五歸周自眷自眷負氣節叻攻苦致瘵氏刲股愈之歲餘疾復作氏再刲以進創甚自眷稍稍知之相對泣氏曰即不諱吾不獨生自眷首肯等尋歿氏奮然就縊諸婦救之曰爾尚有女將誰依氏曰業許夫同盡安得苟延爽信諸婦知其志堅防之密氏遂起經家務毫髮必親諸婦私相謂曰是或意解矣越七日自眷墓封氏淡然人益信是夕獨女與處伺睡熟登樓扃門自縊卒初魯大嫂歿自眷常思博一第表揚之節烈之行氏蓋得之耳熟者時在萬曆十二年奉旨坊旌

周尚潔妻胡氏伯父永祥有家教朔望率兄弟子姪申明忠

太平縣志

卷八 烈婦

一

孝廉節之義婦女聽於堦下古今女訓氏禔聞之年及笄歸周家人咸稱婦德越七載夫病危無子氏伏床下叻死誓族人士聞之且悲且喜曰羅烈婦近出吾宗何能復得此及尚潔奄奄執氏手而嚙之氏泣曰君無念妾斷不食言隨歿氏即絕口不食姑與同坐卧泣諭之曰吾與翁老矣兒必欲信前言盍少俟氏然之姑叻勸餘外休氏急閉門自縊家人碎牖奔救已脰絕矣距夫死五日距羅死十有五年奉旨坊旌

方志亨妻陳氏年十八歸方事舅姑稱婦順志亨讀書於瑤潭夏日浴潭中溺死氏聞倉皇欲赴水俱溺衆阻之遂由城上奔視夫尸至城下氏一見自上躍下破面觸石落齒絕而復蘇仰謂母曰夫果死我尚何生及殯叻首觸棺又幾絕

母救之而生共語叀守節扶入室氏曰我歸僅半載夫無後何叀守忽起赴池水婢力挽之回又潛縊於柩下又幾絕人又解之氏睜目曰十八歲與八十歲死等耳何以救為諸婦挾入房以寢氏忽欲經忽欲刎皆不可得乃於帳中叀細繩繫頸纏其端於足帶音憤涎流家人急救逾時乃蘇良久曰我既求死不獲始侯服盡耳衆疑信者半既匝月夫喪翊日發時酷暑防者解散一婢在側給之出比反則縊而絕矣聞者莫不哀之喪出肩摩叀送事闈坊旌事在萬曆二十九年五月朔至六月朔

崔廷窠妾譚氏窠娶焦氏艱於嗣納氏為妾年十三焦篤愛之亡何焦故廷窠叀有氏遂安之氏不敢專復勸之娶蘇氏舉一子廷窠本國子生北上循例加理問萬曆三十六年假歸十

太平縣志

卷八 烈婦

二

二月舟過石城溺死訃至未審氏痛甚遙拜曰夫無虞則已萬一不諱妾必隨主於泉下母黨曲解之曰汝妾也即不諱何必爾氏厲聲曰我既委身於主可復事他人耶哭愈悲水漿不入者屢日或慰之曰是妄傳盍少俟偵使回氏乃出所有衣飾分給於衆若謝若囑人且疑有他志 之僕從蕪陰反曰信矣氏悲號告蘇曰主有子幸自愛叀撫此孤妾必不生相持哭不解少間徑入房中引繩自決

程中柱繼室張氏中柱父早世母譚以節著中柱業儒敦行帷房間亦必以禮義相勉娶氏年十四勤儉孝敬宜其室四載中柱病氏謹侍湯藥逾年病益危執氏手曰我今不能顧者矣奈宗祀何氏曰妾近若有娠天幸祚吾宗君之福也萬一非福妾敢偷生負君乎中柱長吁而瞑氏號慟幾絕姑

諭之曰幸為吾兒自愛孕得男是絕而復續也氏隱忍月餘孕竟虛悲憤甚自刎其目斷其髮赴水者三自縊者四皆以救甦卒伺間自經死時在萬曆三十七年二月後譚烈婦甫兩月

葉尚亨妻劉氏年十六歸克盡婦道姑疾刲股療之尚亨呶邑掾赴京援例萬曆三十八年卒於京四月訃至氏聞擗踊號哭不止或曰爾胸槌已壞氏曰身已非吾有何愛於胸乃登樓自樓上墜下破面斷二齒絕復甦家人環勸之氏曰我無子生何為言已又觸石破額氣又絕又呶救甦既又吞金吞灰皆不死防衛益周氏遂強食詭辭告其姑求翁分田以養老翁從之緩其防氏整服拜靈入卧内久不出家人疑往視則遍體束帛百結重紉自縊而卒年十八歲

太平縣志

卷八 烈婦

三

李時通妻胡氏三歲失恃事繼母孝年十四率適李甫兩月時通從父兄服賈於羅山氏朝夕偕姆為女工呶資生姑性嚴間有誅責怡然順受姑意頓解七載時通歸未逾月復往瀕行囑氏曰我父子遠去數千里家貧母老若何氏曰君但努力勿呶家為念時通遂行氏仍與姆養姑未幾姆亡獨任家事境愈苦忽赴訃至時通殞氏哀號絕粒急求死姑曰兒死誠善奈我何不速我填溝壑耶氏瞿然曰曩承夫命敢不終養乃奉姑愈謹寢處與俱退則淚零晝夜紡績闔外不聞其聲每出泮必伺無人乃往里有聞其賢欲娶之者遣媒說之曰聞汝翁將載姑去汝年少盍早自計氏艱然曰吾獨患姑無托耳姑有托吾何患無歸居三載翁回氏謂姑曰姑有托矣明晨夙興浣翁衣并檢家器具若有所交付然既畢計促姑出闔門

自縊卒人稱其從容慷慨兼全節烈孝行兩得事在庚戌七月二十五日距劉烈婦之卒一百餘三日

孫雙元妻項氏年十三歸孫事姑隨事繼姑皆稱孝年十六雙元病氏謫治禱祈晝夜不休既疾篤執氏手曰予死命也奈無兒不願久苦汝氏曰君何為出此言適君祈偕老今夫不壽妾必身殉雙元死氏枕尸悲號跪告舅姑意欲與夫同穴舅姑曰我不幸喪子僅傍汝汝忍棄我乎衆以雙元幼亡宜速殯於外氏引刀自殺衆急救之既而出塋葉家園氏送塋所躍入穴內三赴而三出之憤甚觸棺破額碎面衆歸挾之歸日夕衛之氏乃私以油浸繩給衆脫身就廁自繫死後夫死六日萬曆三十九年三月三日也家人從其願與夫合塋焉事聞坊旌 國朝順治十三年有游墓上者見墓松 必雙出

太平縣志

卷八 烈婦

四

共嘆異內一株雙枝間夾一小柏遊人戲曰是宜剪之不數日紅日中雷忽將小柏劈去歿五十年不受一語之玷如此

王應熊妻趙氏應熊遊浙得交中使劉某遇之厚給以儒士冠帶歸娶氏年十五性靜寡言能事翁姑明年冬應熊父命復往浙氏諫曰君固有宿疾何為遠出應熊不得已竟去亡何客死即項烈婦歿之年五月也訃至氏哀號曰妾既失天尚何生人世為觸地已絕久之乃蘇姑諭之曰死何難但爾夫殞於外骨未歸安忍聽之氏翻然曰姑言良是吾死自有日何以遠為遂將所有資財盡納於翁為歸骨營塋計屏謝家事惟奉夫冠服朝夕哭奠目偶瞑即恍惚與夫俱於是求殉益切一日伺間沐浴更衣上下密縫就枕上將繩纏頸下繫於足憤力弩張喉斷而絕

崔日升妻焦氏性靜而貞年六歲即不與兄弟共席父祖異之因誨叭古烈女事日升亦幼慧遂許字焉年十六歸供婦道惟謹夫讀不給勤紡績佐之夫嗜酒常力諍之歸七年足未踰閫即優戲在門外諸婦約往觀必婉謝之日升忽邁危疾氏齋沐密禱憂苦甚姑強慰之氏亦勉承之月餘日升死氏哭踊氣絕救之甦見夫目不瞑氏撫之曰君不瞑將有慮於妾耶君請先誓叭三日殉遂瞑目夜起自縊者四俱救免或勸叭守節撫女氏曰既無子女何為吾業叭死許夫矣既而謂姑曰兒已心盡何必定叭死報意漸平家人信之氏乘間啖女以餅令去姑所取麻線漬水固扃自經卒果如誓言趙烈婦死六月二十一日氏死在八月五日

按叭上十八趙納言 所稱仙源十貞烈也名志狀者庠生

太平縣志

卷八 烈婦

五

周可宗周子鏘舉人方立誠庠生崔廷達程文進葉尚儒貢生李廷儀庠生孫正材武舉胡永迪庠生崔廷舉趙納言次其年而聯綴之茲謹 二傳悉其巔末叭示觀感不敢一語誣泉下也

廩生曹楷妻王氏子生三齡楷病篤氏朝夕禱天及祖求叭身代哀籲迫切如是者數日夢神許叭可代氏即服夫衣冠自經死時年二十一夫果愈又二十餘年乃歿邑令表曰貞烈

陳上龍妻汪氏年十九歸上龍夫婦時叭行好事做好人相勸勉甫一載父命上龍赴京視弟氏謹事舅姑姑 之嚴常促外出親井臼事氏私謂同室 夫行時囑我毋出閨門今不從則違姑命從姑則違夫試奈何既而上龍歸父母歿勉治喪事與氏蔬食朝夕哭泣不止緣是致羸疾氏紡績易藥餌常隱

忍自乏食不效則再刲股以進愈半載病轉劇注視氏若有欲言氏詰之曰君慮我耶脫不可為請先死瞑君目自是遂不食時時相抱持越三日夫止一息日暮自整衣繫帶閉門同夫卧右臂枕天手挽長繩左手縛頸自縊呻吟至半夜欲絕不絕時上龍猶有知亦作呻吟聲聞者以為病之常及明疑而窺之知龍死不料氏死破門視之則俱瞑矣庠生陳尚志館於鄰悉其詳為立傳時萬曆四十七年三月也

徐僅妻王氏歸四月僅病危氏嚙一指自盟隨 氏孝養翁姑姑病刲股愈之翁病祈神請代果瘳後翁姑繼亡伯氏謀奪其志遂自刎死其苦狀載吳佺垣宦節實錄中

孫尚選妻張氏年十七適孫七年選卒百計以殉不得因婉辭家人 日用水浸繩 麻衣自縊及解繩左手血痕斑斑

太平縣志

卷八 烈婦

六

始知先嘗刲股以救夫云崇禎元年禮部題請給銀建坊

林首春妻焦氏春溺死吳江訃至即引刀自刎妯娌奪其刀不得死夜復自經婢覺驚解又不得死遂閉目絕食其姑百方慰之且曰汝即死姑待襯歸未晚也乃始稍稍進水漿日惟胝戶僵卧一室悲哀數月襯至舉奠禮畢拊棺慟絕七日不食而卒

胡森枝妻李氏森校洋田人性最孝母病刲股叻救尋代父充量田役久勞成疾氏刲股和藥以進不愈枝卒氏自經死

增生陳上受妻焦氏受授經焦姓年三十擇氏娶焉尋病卒氏哭泣擗踊不欲生停喪中堂誓同入穴親族鄰媪晝夜共守無由得間乃以鐵筋自刺其喉鄰媪奪之血流不息匝月復自縊死

汪新妻江氏年十六適汪新貧館於歛奉養二人惟氏是賴越三年新疾革氏刲股祈代不效哀號欲絕家人衛之周乃止悲掩涕殮其夫為不死狀時老婢在側徐謂曰爾飢矣盍食方出戶即經於夫側

李一程妻湯氏歸歲餘 溺水歿公姑迫其再適不從自縊死崔士郁妻李氏郁遠遊河南遇流寇被害初聞信未審悲痛慘裂絕飲食者數日後果訃至即自縊卒年二十有五

庠生鄭之彭妾崔氏婉嫻遜順不敢一事或先於嫡事孀姑周氏尤孝謹之彭歿氏役纒卒

崔佑生妻胡氏胡之宅鄰節烈祠氏幼見有烈祀者輒欣慕焉歸三載佑生歿氏年十九自以年少無子欲殉翁姑多方勸止之氏曰所以求死為良人也為良人死重傷良人父母心不如已

太平縣志

卷八 烈婦

七

自是足不踰戶朝夕蓬垢涕泗不休或勸之歸甯氏應曰誰謂道遠吾何面目從節烈祠下過居四年翁姑相繼歿氏乃泣告家人請夫後之祀并同穴之意盡出簪珥經身後事畢其半助節烈祠勺水不入者七日呼婢為櫛沐而溟年二十三時天啟壬戌年教諭龔立本撰墓碑

夏可倚妻程氏端莊不苟言笑宅鄰羅烈婦母家常慨慕之事老翁與娣姒極和敬惟與再醮者處語輒侵之倚賈於外挾病歸察其情已在膏肓氏惘然不知所為竭力治之又刲股療之倚自知不起囑氏擇人而事氏曰是何言君死妻豈獨生但瞪目俟吾可也倚果死氏將己之服飾絲麻盡出為殯塋資又舉夫之玩好衣服盡納諸棺向戶且哭且拜拜竟入房持刀自割未殊昏仆地血噴溢家人驚扶救稍

蘇氏強忍之越三日防稍懈呶指抉創痕力絕吭而死時六月初九日夜崇禎十一年也胡之瑗為之狀

朱士修妻周氏庠生周尚敏女朱故衛籍歲運漕糧至東平州溺死氏聞訃即服毒呶殉年二十一

程烈婦譚氏 陳烈婦項氏 馮烈婦陳氏三人舊志失傳國朝

孫元容妻汪氏容奉差賈奏入都病卒訃聞氏刎刀吞環百計求死俱為家人所救越數日伺間縊死按院劉題請坊旌

陳鶴老妻焦氏年十六適陳翁生壽歿於閩鶴老聞訃往扶櫬亦卒於其地季弟陳尚老因兄久不歸又往乃載其骸歸抵家氏見之即頭搶地欲死母姑守之嚴踰一月伺間自縊卒家貧姑慮發喪無資氏欲見夢言已紡績積有碎銀

太平縣志

卷八 烈婦

八

二兩貯某筭 曉搜之果然將葬卜地以價昂未定又見夢言社邊吉次日買地啟土適有穴似豫砌者衆靈異之

林有茂妻崔氏幼有至性常向父祖詢節烈二字義甚晰年十七歸未二年有茂卒堅呶死殉時有遺孕母姑諭呶繼嗣大義氏勉從生男三月殤從初志多方求死輒以救解已乃粗整衣容稍飲食以給家人防稍懈遂沐浴銀戶引帶而絕奉旨坊旌

李懋羔妻楊氏年二十歸甯母家忽賊蟻聚劫掠婦女駭竄氏為所窘過灌塘赴水死

焦八顧妻林氏順治丙戌鄉有無知弄兵者官兵入勦奸人因之為暴八顧夫婦避板栗山兵至殺八顧執氏欲辱之氏且泣且罵曰頭可斷身不可辱遂殺之

焦三一妻周氏三一死守志不二時避板栗山中兵執之氏曰我老寡婦也守志二十年矣乞鑿苦節因取釵珥碎銀叭獻求釋兵取銀仍欲污之氏大罵被殺

焦守元妻周氏元死十八年兵入境禿匿馬鞍山被執欲辱之氏抱樹哭曰我守志垂二十年今惟斷頭耳兵刀刺其腹上貫胸膈肝肺皆出而死

焦鳳鳴妻陳氏鳴携妻子避兵九里坑舉家被執欲污氏氏曰舍我夫若子可從汝兵釋之將污焉氏知前路有池因給之曰麗日中天且夫與子在前何忍爾此去數十武有茂林叢竹在兵從之獨隨氏行及抵池畔奮躍入水水淺不得死手挾污泥深入尺許兵怒叭石擊之碎頭而死

陳福元妻焦氏焦慮仕女間兵至往母家避應仕庄居兵已抵太平縣志 卷八 烈婦 九
門而舉家不知氏與叔應保之妻陳氏俱被掠驅之行適路有大澤兩人共赴水死兵退遍覓不得福元索之急意其乘機鬻女爭論不已親族勸路經池畔則見二屍浮出水面時焦氏卒年十七陳氏年十五

梅春嶽妻陳氏年二十餘兵猝至未及出避氏度不能脫攜三歲子匿於夾壁子有聲兵搜之急氏負子踰墻走又遇一兵追至池邊氏抱子入水先索者亦至將三歲子救起又援婦婦愈深入波中兵怒亂石同擊死流血渦池水為之赤焦冬妻張氏兵至逼辱之氏給之曰我家不遠抵舍當從汝兵信之隨行土池畔赴水死 自林氏至張氏人稱西鄉八烈

李門雙節烈一為李萬吉母陳氏一為李萬吉妻陳氏萬吉父客死訃至時吉幼母含泣飲血百計育之惟冀其速長已

而為娶己之 女未年餘萬吉復殞母痛夫泣兒俯視姑媳欲言而不忍言者數四媳痛夫泣姑欲舍而不忍舍者亦數四一日喪事畢媳見姑携繩登樓即隨之上 一繩共懸姑媳同自縊死人稱雙烈又聞萬吉之祖母太祖母 及諸母俱以節著云汪熙妻崔氏熙疾三刲股 臥進日焚香 籲身代熙竟不起氏偃卧床席旦夕呼號 臥終時年二十一

胡光兆妻孫氏土寇竊發避亂相失氏恐為賊污觸石死

李大授妻沈氏時土寇劫掠頗肆淫污一日圍劫大授家氏登樓升屋擲瓦擊賊墜墻死北望白氣貫天賊驚散邑令旌 臥捐軀完節并序有云殞身於百尺正置身於百尺抱痛於九泉正含笑於九泉

李懋騫妻方氏懋騫疾篤氏刲股以救數日度無濟先刲

太平縣志

卷八 烈婦

十

臥殉氏卒騫霍然起漸瘳

程柱齡妻焦氏明經夢虬女幼授古訓輒成誦適進士程言孫柱齡早亡氏欲殉顧二子在把強活撫之無何二子相繼夭氏曰當從地下遊矣因絕食扼吭而卒

王壽妻查氏刲股療姑病復籲天求代年二十四夫殞閉戶縊死邵珍妻孫氏歸珍數年乳一女夫病氏拮据謀藥餌珍歿姑知民必死覓媪伴之氏商之姑將女許鄰家使携去是夕嚴寒風震簷瓦防者稍弛氏竊出投井死及曙覓跡得之引之出冰水淋漓衣內外皆密縫無綻見者盡泣邑令匾曰止水齊芳

崔幹壽妻吳氏歸未久幹壽病氏旦暮侍之飲泣含愁無人色幹壽死氏朝夕哭如禮而顏色恬然無戚容人竊怪之喪事畢潛入戶內引帶自經死事聞坊旌

陳社妻胡氏社死氏吞金投繯俱為防者所救因謬謂家人曰吾夫存有舊衣當鬻之為祭奠費登樓檢取不移刻即聞足跌聲及奔視血湧如泉喉出寸許死及殮顏色如舊絕不類刎者

陳時薦妻張氏翁早喪歲祔氏自啖野菜女工易米啖膳姑夫歿鬻什物記叔時萬備殮具去未遠氏身經於天旁年三十

湯道盛妻程氏道盛疾屆婚期父母欲遲之氏因請侍疾道盛幼於兄嫂氏入門事伯姆如舅姑道盛病久喜怒乖常氏侍巾櫛惟謹踰年歿氏號慟屢欲自裁伯氏其孕且男也泣諭之未幾生男父母仍欲奪其志撫膺大慟絕食而卒時年十九陳福元繼室焦氏福元初娶焦氏值亂兵與叔母陳氏烈死氏聞而慕之年十九福殞無嗣將殯氏備兩棺家人知其殉也謹伺之既成喪遷柩入室而置空棺其旁盡出家資起塋

太平縣志

卷八 烈婦

十一

列三壙遷前焦氏柩於其左會七夕諸婦女乞巧為歡氏亦從容宴笑如平時俄起更衣諸婦趣就席則已闔戶自經矣色如生自及履悉易新製加紉縫族人哀其志為啟塋如其位而葬之

黃通妻孫氏通家本氏歸已中落貧苦不怨夫病氏湯藥虔禱祈不效病愈深氏知夫不能起預納繩油中俟待殉及歿父母驚聞來視氏恐為所防給之歸投繯而死先是氏孀母汪氏殉夫元容時氏年尚幼即慨慕久之曰凡婦人不幸失所天應如是也邑令匾曰矢志成仁

程有鎰妻胡氏年十八適程未一載夫遠出遭危疾歸氏日夕籲天祈代及夫死無嗣氏絕粒求死翁姑諭以字姪為嗣乃強食未幾孤復殤遂稿錢八日死雍正間旌

李世誠妻湯氏年二十二夫亡痛絕復甦念無子祀以斬鬮親族求為夫後衆感其節義即為立之治喪畢七日水漿不入號泣一聲而絕乾隆間坊旌

崔麟書妻王氏明秀娉婷風格特異年十八歸崔時麟書年甫十五久染痼疾雖適配仍處子也氏奉湯藥惟謹麟書疾發詬詈笞撻旁觀苦之氏皆婉孌順從迨歿晝夜撫棺悲號人進飲食氏受之俟衆退則棄之亦不見其羸也浹旬而卒人叻為仙去

胡芳生妻崔氏芳生苦讀致疾殞氏誓死殉或勸其為芳生謀繼嗣念稍釋既而不果遂携粧服併芳所讀書籍焚之塚前慟哭不食卒囑家人與芳合葬

方學中妻羅氏年十六適方暮年夫歿氏登樓自縊家人救解即從樓墜下傷重未死會八月家人薦新防偶疎遂投縊卒顏色如生

太平縣志

卷八 烈婦

十一

汪耄老妻陳氏年十七適汪耄老家貧餬口於外氏紡績養翁姑夫客死氏聞訃吞縊不死赴水中人急拯之又不死防稍懈投縊死死之後貌如生

崔冠宗妻梅氏年二十夫歿越三日視殮畢自縊卒
張宣妻孫氏幼聰慧于歸後能事舅姑宣病氏呼天祈代及歿欲殉既而曰有子即夫存也未幾子夭氏痛曰我守此復奚為家人知其意謹防之氏故示淡容防者漸弛竊入室叻衣蒙首縊頸死

周芳聯妻崔氏性淑慎事夫甚謹夫病篤約同死及卒從容視殮人不及覺已自縊死

李學成妻崔氏歸甫三月學成歿氏縋頸幾斃舅姑救甦服喪三年畢仍從容自縋死

羅傑妻陳氏夫婦以鬻薪自給雍正己酉三月共採薪傑被虎攫氏急與虎爭夫不得脫因觸虎口虎怒舍夫取氏夫不忍離氏哭曰虎得我君宜速去傑號哭匍匐歸氏竟果虎腹合邑聞其事請祠祀之時年二十三

崔學奎妻胡氏年十八于歸夫多羸疾家貧艱藥餌氏紡績調治繼刲股焦苦五載夫竟歿無後氏營殮畢投縋死與夫合葬邑人士廣集詩歌哀輓之

湯道速妻胡氏年十九歸湯閱二年道速病氏盡賣其粧治之慘淡愁苦晝夜忘勞夫歿氏悲傷絕食卒

孫時沛妻崔氏年二十餘夫歿無子有遺孕未幾生女氏投縋舌太平縣志 卷八 烈婦 十三

出齧幾斷家人驚救之環泣曰爾以生女故耶何自苦乃爾氏微搖其手曰爾急欲從夫地下耶氏首微肯翊日卒

譚志宏妻方氏年二十適譚逮事太翁姑閱一年夫歿痛哭絕粒已數日送葬畢歸即自縊家人驚救越夕稍蘇竟不復食氏甚得太姑心氏不食太姑亦不食且勸云汝不念我老欲為夫死獨不念子幼為夫之後生乎氏乃強食殷勤撫子次年子夭太姑繼亡氏乃服毒不死復投縋死

夏彩令妻崔氏年十四適夏越五載夫亡無子氏縋以殉戴正鴻妻湯氏年十六歸戴二載夫病氏事之極謹歷二載而歿氏欲偕亡衆勸阻之延七日自縊卒

劉秉文妻胡氏歸未久夫病篤誓不獨生及沒氏不食數日撫棺一痛而絕

梅文宏妻焦氏年二十二夫亡無子氏度家貧不能繼嗣絕食長號七日死與夫合葬於董家塘月下里人常見其夫婦同遊劉錦文妻胡氏年二十一翁姑繼歿夫復喪氏水粒不進數日持刀欲自刎兩婢力解之殮後復自縊死與天同葬

庠生周士蔚妻方氏年十九夫亡無子屢欲殉合家防之未幾士蔚母歿氏晝夜號哭人不及覺自縊卒

胡溥妻周氏夫素染疾氏歸侍養甚謹常飲泣願以身代延數載夫故繼子為嗣服闋投縊死

焦良招妻崔氏年二十適焦甫一載夫歿氏視殮畢即經於靈側家人救甦越兩月防稍弛復自縊死

胡漸俊妻崔氏年二十二夫歿氏屢計殉夫家人防之密三月不得死伺一日少疎自縊死

太平縣志

卷八 烈婦

十四

胡松老妻方氏年二十四松老歿殯數日氏將上下內衣密縫投縊死

陳守庸妻汪氏年十九婚有期夫適染沉疴氏父母欲遲之氏固請適陳侍湯藥入門甫一月夫卒越七日喪事畢氏投縊死

胡尚妻羅氏尚客死氏聞盡澣其衣着而密縫之登樓就縊人覺驚救若或拒之墜父至親解其繩乃得殮

黃耀妻李氏耀病故氏擗踊視含殮畢即自經死貌如生時年二十八族黨為合葬

王大途妻翟氏歸王五十日夫以採樵致疾亡氏盡出裝資付伯氏養翁姑併為夫營葬且請曰伯幸生兒願以一繼良人後伯許諾氏視營葬畢遂自縊是日途之墓門忽裂二

尺許因同穴焉

焦應保妻陳氏避寇被執與姪女陳福元妻同赴水死

志

譚一蘇妻崔氏在閨母患目疾晨夕抱母吮舌舐之目全愈習女工有志操天性和柔十八歲婚未匝月夫出外因救兄溺俱死氏聞不食三日役纒氣絕面色如生乾隆間旌

庠生程以琚妻胡氏据苦讀嘔血早卒氏年十八無子甫三日閉戶投纒而殞殮時面色如生空中隱隱有鼓樂聲邑侯李撰文親祭送者皆為之流涕乾隆間坊旌

王肇 妻胡氏年十九歲性貞靜夫病篤知其不起暗將嫁衣有采色者裂碎以示不服夫歿引剪刺喉血淋漓沾衣隣妯勸以老姑在堂恃汝供養敷以藥卧旬日無何姑又病故氏歎曰妾復何求有死而已絕食七日而卒

太平縣志

卷八 烈婦

十五

張光科妻程氏

乾隆三十八年旌

監生崔時安妻張氏性淑慎能得翁姑歡心年二十九夫亡誓以死殉投纒者再俱以救免然自此勺水不入口逾八日於幃中扼吭而死乾隆間學憲徐匾獎曰節孝成奇繼姪天與為嗣祀氏節烈祠

貞女

項世昭妻陳氏性莊靜自幼許配昭年十七將于歸夫病篤舅父議改期氏白夫疾婦當侍湯藥一盟終身何改期為及結褵昭已不起氏僅得親進藥餌數日而夫歿痛哭覓死衆勸以翁姑在堂婦可代子乃堅守不貳勤針黹以供孝養冀立嗣為夫承祀無敢奪其志者人咸稱為陳節女云

貞女

國朝

汪志瑚聘妻胡氏未歸而瑚卒女年十九時屆清明氏請於父母欲往拜墓母與俱往遂歸往不返翁姑以家貧增食指頗厭苦之女以女工自給常不繼不怨也然翁終苦之一日翁過子墓見氏在墓側歸尤其姑姑曰媳固在室翁驗之果然他日又見之乃加禮焉通庠憐其貞志呈云一世未逢夫婿面百年總是女兒身雍正三年旌

焦吉祜聘妻林氏婚有期而吉祜歿女忽見一男子面揖而出有媪驚曰此焦婿也問此奚得至少頃吉祜訃至氏驚悼幾絕父往弔女欲隨行禁之不得至則哀動觀者比父還氏遂留不返曰女已為焦氏婦矣時年十九翁姑老且病有幼

太平縣志

卷八 貞女

一

叔秉衡皆女鞠育及長佐翁姑教之有聲鬻序又有姪早失恃女取而撫恩勤如所生督學鄭公江為題旌並為之傳程家邦未婚妻周氏年十九將歸夫罹劇病適程未婚夫死氏屢求殉卒救甦時姑已歿謹事老翁翁好遊觀氏必置酒食招翁素所善者與俱一叔幼氏撫育之機杼外無長物也後叔長生子立以為嗣邑長聞其賢申請旌表卒年六十七時室有異香迨葬時霉雨浹旬至期雨霽日杲祥雲起墓側執綿者幾千人咸謂貞節之徵

項惟靜聘妻王氏甫及笄靜病篤翁強迎之歸比入門靜已危隨歿氏不食數日翁姑諭以繼嗣氏泣聽乃撫幼姪一彬為嗣素食終身并醯醢屏御面目枯槁常慘戚若新喪雖同室之人四十餘載未見其笑容及子娶媳生孫乃喜謂娣似

曰初繼嗣恐不能成立今得抱孫吾事畢矣言已淚如雨下
病三日卒

陳瑞駒未婚室崔氏生六歲而孤即依陳為養媳瑞駒幼有痼疾
將婚而死氏年十八遂矢靡他奉翁姑如事父母立姪為嗣鞠
育成立卒年六十三

周華養女許字某失其姓氏久客於外不知存沒母欲改聘氏
不從強之則請削髮為尼未幾為虎所噬後邑人崔瑤為襄
陽令歸舟繞道出鄱陽風浪大作泊於湖畔夜夢一女曰我
與君鄉人也今日風浪之作為留君叻傳信耳乃備述其父母
姓氏及己守貞事且言上帝憐我封為水神君歸煩傳知母
家且祈表揚之瑤為立廟湖畔而後行歸訪之果如夢中
所述云

太平縣志

卷八 貞女

二

廩生王庭女寄居鳩江幼能讀書嫻姆訓不苟嘖笑許字陳天
禧年二十一結縭前八日夫亡女聞痛哭欲奔喪父母未許遂
絕食求死計緩之乃少進粥未幾翁亦旋故氏欲往持服志
愈迫姑聞狀來視一見大慟女陳己志姑曰自翁喪家益
窘欲往能甘貧乎女唯唯姑識其誠遂迎歸伯氏叻次子
嗣之依於姑所時或斷炊女急鍼紉叻佐之且曲為諱不令
父母兄弟知閱八年姑與母繼亡哀慟無已時歸甯亦少茹
齋禮 時引 應篇訓子姪久之嗣子得成立叻節終

崔正功妻胡氏氏歸夫疾瀕危七日殞命氏實貞女也比殉不遂
誓死守志撫姪承祧孝事舅姑庭無間言督學俞公
叻名 貞操額旌旦為記畧安舊載節婦照府志移入
崔梅亭聘室焦氏焦守才女許字崔歸已訂恒盛忽染疾卒

訃至女吹家人防護謹不得投繯遂絕食而亡夫兄時盛再盛憐其志迎葬於朱家冲與梅亭同穴時鄉士吊吹詩有欲如竇女投巖壑難俟共姜賦柏舟之句嘉慶十二年坊旌

羅元 聘室牛氏

嘉慶元年

旌

論曰婦人之義從一而終者也慘遭不夭矢死靡他自古所重邑山峻水激生其間者男子多剛直無媚骨女子亦貞靜端潔 元吹前一孫陳氏賴汪傳吹傳之外皆不可考耳自明迄今祀節烈者千有餘人非地所鍾奚若此其盛哉

藝術

藝術雖微紛皆道緒精之人神前聖所許得手應心口不能語豈同 技殆近靈園志藝術

周子幹號慎齋精研陰陽五行之道以爲醫靜驗一身即己之脈理喻人之脈理術大通全活甚衆著醫案數十卷嘗經柏葉山見巨石室路謀鑿之石故枕神祠居人謝弗敢子幹祝曰神必福民吾體神意去之神若降 當殃我一夕神像仆地石自裂爲三初子幹少時行步輕蹠見者謂非壽徵乃痛矯之行遂端又嘗有婦私奔之拒不納卒年七十九

焦耿芳別號坦寧精岐黃術投無不效游京師公卿爭延致之大司成湯賓尹中丞周汝礪輩皆折節與之友

孫廣字又黃少習制舉試屢 遂棄去取方書徧習之爾時歛

太平縣志

卷八 藝術

一

醫程敬通 滿數郡廣往師之反復辨難大精其業 而診候投 無不立 富不受謝貧者施藥

坦然善鍼鍼細如毛長不過寸許石埭令高妻患癰已兩晷延治一再投不效恠之靜想良久曰得之矣此人皮肉厚針短不患處耳乃更置金針長可五寸一針而愈邑人胡振聲中瘋 斃僧適過門延視之針其手手動再針瀉痰斗餘即然 奇驗不具載生平施粥開路煮茶接衆善行尤多

奚月川善堪輿本鄉及桂城諸里陰陽宅皆其所定迄今族大人稠科第蟬聯人推爲吳 張宗道之亞

治號赤山邑庠生善詩尤工書法筆勢遒勁欲透紙背號赤山體

應龍字仲嘉少習書法時邑侯許霸長以八法擅名進而

教之朝夕臨摹遂盡其長晚歲猶精小楷邑中字學多所
流傳

蔡子仁號梅坡貢生蔡中之孫善寫真嘗作三樓一圖界
畫精整得李昭道父子遺法

程天祐號午岡能作淺色山水及人物樓閣晚歲潦到術益工
邵字惺之崇禎庚午武科常吹水墨作花卉翎毛猶能硃塗
石竹叫號揮灑有天然縱逸之妙

譚之化精 暮一時縉紳先生爭招致之著有棋譜與少梅
同時馳名稱國手

劉太憲字用章有隱德少工八法篆隸尤精重興寺有柱
聯郎之麟先生見而愛之摹去鐫刻圖章刀法古 仲
丈三橋何雪漁近時名手不及也

太平縣志

卷八 藝術

二

崔端生字哀白幼業儒敦孝友改習岐黃術專吹活人為金絕無
較利意貧者甚德之得養生訣葆揖天真年逾九旬顏如
童燈下猶能臨黃 小楷不用拄杖疾行如飛

糧國令字允瞻幼習與子業 敏絕倫詩歌字畫橫絕一時後
改事岐黃博覽羣書獨挾其要所見每出人意表有頸眩喉隔
腰裂者百療不治 令診之曰是疾有三當有三 己之果
如其言又有患腹痛者奄奄待斃衆皆謝去國令聞不待
召而至投一方俄頃痊人皆以為神他如此類不可悉計謝
二峰嘗紀其事

周之明字 生鄉賢可宗長孫初從涇川查了吾習 黃業
甚得秘旨嘗云種樹者必培其根治病者必溯必源其根
深則枝葉自茂源清則標病自消崇禎間走白下中州

京師山陝關塞投劑立效聲聞遠邇若文文肅公震孟蔣大學士德璟黃少保景昉倪文正公元璐諸名賢俱有贈言以稱其術所得必均於弟弟婦趙少孀也給之產以成其節又置義田以贍族之貧者所著有問答醫案四時調理方書行世譚履吉號墨夫善潑墨山水林壑煙雲出歿遠淡近濃真世三五步幾萬里之趣

邵岑中號逸峯邑庠生襟懷瀟灑工繪山水祖北苑水墨淺色竝擅能事晚年神似黃叔明秀遠蒼深大饒咫尺萬里之概為邑丹青家第一手人品之高潔亦如之

黃太松號耐巖性疎狂嗜酒善畫求者不輕與但餘酣興發則揮毫頃刻可畢數幅人知其癖每招飲濡墨俟之嘗遊杭城杭為文墨藪適浙閩制府郎公校畫史太松翎毛花

太平縣志

卷八 藝術

三

卉皆第一聲愈噪所畫山水不多得黃山圖見收於張文貞公玉書如獲拱璧子本復字耕麓能得其傳每一紙出人必擬其父則蹙然不敢當又嘗學書於王鵝子真草八分兼擅其長孫夢彩繼祖父之武嗜詩書善鼓琴以技遊縉紳間潔清自好人爭敬禮之

杜五七字知非秉性恬淡三十喪偶義不續娶由舉業入習岐黃妙有天授七十餘年活人甚夥並不計利人咸仙之而不名邑令金以春生妙手匾贈年九十九歲無疾而逝著有險症醫案存濟銖俟刊問世

黃裔字雨先工翎毛花卉所寫山水疊嶂層巒極為蒼秀至其天性孝友氣質和平邑人尤以此重之邑侯周公若谷番禺人愛其畫得數百幀歸粵東後有人至日本猶有覓其手

跡者陳明府霞泉贈吹詩有妙筆奪天工芳聲傳異域之句雨
先耐岩曾孫也姪鍾字素園花鳥守其家法而能運吹己意
有嚴於皖

黃 銳字硯山善山水花鳥所寫人物眉宇間生氣勃勃其疾革
前數日有旌邑汪生遣人持參暨白金十兩問疾硯山曰吾友
知吾貧且疾金未可却然吾疾已不治參又所值甚巨虛友人
之惠不可乃受金返參其重友誼而不苟取如此同時畫史張
淮字滙南胡驤字飛黃並善山水各有得處

論曰古稱士藝禮樂射御書數是也後世之術多矣要吹書
畫與醫為重周子幹僧坦然焦耿芳諸人皆志其盛稱於
時者筆墨之妙通靈入神邵劉諸子吉光片羽人並診之今
之工畫者山水則宗岑中翎毛則祖太松成仙源一派矣

太平縣志卷八

流寓

向禽好遊山川快覩採秀攀巒信美吾土勝具勝情吟
懷傾吐芳躅依然君子接武志流寓

唐

李白字太白天寶末由翰林供奉流夜郎釋歸往來宣南涇太
間杖履徧於川原猶雅愛黃山訪胡公暉 雙白 叭云

羅隱浙江新城人有詩名微時嘗遊宣至太平今人猶稱羅秀才
云著有江南甲乙集卒葬邑東七十里

宋

紫陽朱子與學士孫覲友善辨論往復手扎甚多孫氏世珍
藏之後來訪同遊於水北獅山書秀陰二字鐫於石

太平縣志

卷八 流寓

一

元

汪澤民字叔志其先婺源人後徙宣城傳詳元史及郡志致仕
家居與門生故人嬉遊至元六年來遊黃山陟諸峰徧歷名
寺盤桓三月題咏甚多嘗憇汪公仲雲松樓乃其宗

明

荀茂唐時南城令過漣溪遇瓊仙井得烟子亭演渾元卦圖而
悟道遂居於此正德元年居人金玖誦讀其側忽地裂泉流
芳香不絕掘土得石刻文始知荀公卜居之由因結數椽於
麓曰荀公舊廬二年丁卯知縣龔彪過玖宅記其事詳雜錄
劉魁號晴川江右泰和人正德中鄉薦歷任工部員外嘉靖壬
寅叭疏請緩建雷殿廷杖下獄與給事周怡同繫久乃釋庚
戌來訪怡留數月去詩載藝文志

王畿字汝中山陰人嘉靖五年舉進士與錢德洪竝不就廷試師王陽明久之乃第進士授主事進郎中未幾謝病歸專務講學足跡遍東南所至皆有講舍學者稱龍溪先生周訥谿師事之嘗太開講席於東嶽觀中萬厯丁丑復至邑舊友數十輩會於碧雲山館邑令張廷榜復留講學於觀中著有嘉會所記

錢德洪號緒山浙江餘姚人刑部主事言事下獄與周怡善嘉靖丁未怡母卒德洪來弔因留省愆齊久乃去

羅洪先號近溪吉水人嘉靖八年進士第一過邑訪周怡并遊黃山祥符寺湯泉題咏甚多

焦竑字弱侯江甯人從學督學御史耿恭簡公萬厯十七年殿試第一尋充東宮講官多所啟沃性疎直政府惡之因事

太平縣志

卷八 流寓

二

鐫秩遂不出嘗遊黃山主巴州司馬譚天賜家最久手書紫薇館三字贈之

沈壽民號耕巖宣城人幼受學汪尚謙處太四載及被徵蒙難陳兆昇嘗迎居黃山麓事解後常來省其師已而尚謙歿壽民猶來太至則不主於其家道袍矩步攜壺酒杯二徐詣墓所以一奠塚前拜訖旁坐以一自酌或痛哭或狂歌或起舞墓近三里岡行道者常聚觀壽民勿顧人皆以爲狂

國朝

張玉書號素存丹徒人順治辛丑進士大學士來太平遊黃山訪同年友杜瑜周光啟之後因得黃太松所畫黃山圖以去梅清號瞿山孝廉宣城人以遊黃山頻至邑寓孫氏集峰樓一時文人學士納交恐後爭索其字畫留連晨夕者最久

張鵬翀號南華山人雍正辛亥九月來遊黃山寓慈濟菴題詠甚多留畫一幅題云絳闕瑤臺姓氏懸前身本在大羅天祇因天上朝真懶乞向人間作散仙後跋余在宛陵北樓偶畫未竟今日從太平至慈濟菴愛其窗几明淨遂足成之留作菴中雅供贊曰黃嶽名勝甲天下自古為異人所棲其跡近誕未可傳信自唐宋叭來名賢踵相接太白謫仙紫陽亞聖風教偶存千載景仰而汪文節劉晴川錢緒山王龍溪沈耕巖諸君子肯適我邑之節義理學堅明有加非賢何叭若是嗚呼我懷芳躅愈思德輝親炙者矣

仙釋

黃白飛昇戒定生智誠意正心與彼殊致儒行墨名超羣
出類方便好施聞焉思愧志仙釋

上古

浮邱公軒轅問曰願摳衣躬自修煉浮邱公曰江南黟山神
仙所居有古木靈藥其泉香美清溫冬夏無變沐浴飲
之萬病皆却遂與容成子浮邱公同遊於黃山

漢

竇子明字伯玉沛國銓鄉人少好仙術聞陵陽乃丹邱曰求為
宰垂釣旋溪得白焦腹中有書教子明服食之法遂上黃
山採五石脂以益烹煉三年丹成於中元日飛升妻費氏
與二女服刀圭之餘亦仙去

太平縣志

卷八 仙釋

一

唐

智滿天寶間卓錫湯泉山有虎師趺坐石上虎至伏不敢動
麻衣禪師中和二年初至翠微峯下山故洪氏業僧求一建
刹地洪氏許惟師所擇乃登峯頂從空中飛錫錫止泉湧
澄可鑑常衣麻衣人得其縷可吹療病宣宗時盡毀天
下佛殿師因作詩達禁中得不毀詩云勅下如雷到翠微
佛前垂淚脫麻衣深山有寺不容住四海無家何處歸

元

張松谷幼聰敏博學嘗寓流陽至元辛巳忽悟養真之術遂歸
棄家隱於黃山芙蓉峰下辟穀修煉數年道成凡病者
掇草為藥授之無不愈歲旱禱雨默坐潭上而風雨
至太德庚子五月命侍者具紙筆書偈云只有人難做容

人盡得麼這 實風流世人識不破咄鐵牛鞭向四禪天金身
已寄蓮華座書畢坐逝至今遇水旱疾疫禱必應

明

法通七歲依軒皇山為僧嘗砌石塔以備自窆年八十有四一日
忽沐浴更衣目云將歸跏坐而逝其徒以官斂之後一年聞葬
刑貌如生乃座於塔中

王道人不知何許人居曹山絕頂山高十餘里直從榛莽中上下
與曹燼遊最稔值大雪連旬燼裹糧尋逕往視之道人已
懷壺漿候半山中或寒不衣或無酒常醺或閉戶卧浹旬
無恙一日來辭燼將別去燼止之宿與同寢晨辭去頃之有
素與遊者數十輩皆詣燼家相送共言昨暮道人辭謝狀燼
亟追留之不應與一破衲而別後燼有疾一被其衲即愈年九

太平縣志

卷八 仙釋

二

一餘無恙而卒後有婦苦難產婢竊衲蓋之即免身無恙
但衲自是下應矣

文齋箸嶺八里岡菴僧年六十餘寄居望仙譚昌胤靜 與
人言惟勸之行善云萬法俱空一善是實居數年忍語譚
曰予明年八月十六日當西去次年六月遂別歸至八月望
予庠生學份往探之談笑若生平至暮份請教言誦云人
法皆空心自休也無歡喜也無愁風平浪靜雲歸去月照寒
潭一色秋詰農禮佛畢端坐而化

黃自然號清虛東嶽觀羽士修煉廿餘年邑有方汪兩家婦
為祟所憑百計驅之不克自然書符付之頃刻妖絕康熙十
年夏旱清虛為壇拜禱不崇朝而境皆沾渥 徒童學
謙字子敬能繼其武

主繹有仙術寒卧冰暑絮嘗與友戲立數層紙上友從足下將
紙層層抽出紙並不損人謂之紙上仙

僧慧空嘗自武夷朝九華過太息肩三峯菴菴僧叭周
告之慧空來訪不遇題詩石壁曰停宿禪居石澗邊三
長與白雲眠溪聲喚出波心月竹影搖沈水底天野
頭傳祖意山花香裏送真傳古今話到無心處話到
道自然題畢即行周歸聞之亟追不得所題詩句曰

墨跡 現

擲鉢僧居擲鉢峯下當叭鉢擲空中不 須臾更拋錫化為

龍騰翻 入 中

杜丑芳字 嘉靖間人素精仙術因 終南山採真

松於舍後謂其家曰他日松枝垂地吾當歸越十餘年

太平縣志 卷八 仙釋 三

尋訪終南過老人曰爾非欲見爾父必菴者乎須俟
馬可一面贈以路費暨醫書一卷勸之歸及祇家 視
餘資皆為 土所授書本叭治病願奇驗又十年除夕 一
日家方祀祖芳忽歸身着破衲叭生荷葉盛仙桃
獻之 拜訖即自食餘其半叭遺妻妻曰爾出數

若尚此叭餘桃啖我耶擲之地芳曰爾歿福遂一笑而
萬曆壬辰丑月之壬午日也始悟老人前示歸期果不
舍向所植松歷年既久枝幹屈曲蒼古異常每當風
作勢看似垂地然終離四尺餘不得及康熙癸巳歲 松
忽枯家亦同日火所 醫 為煨燼好事者謂芳之行

莫測真與丁令 無 云

僧公 建菴 冬夏施茶湯叭濟行人戊子歲

叭食餓者是秋疫作復廣施藥叭療之洪潭為遠近要津松密募造石橋數十年不病涉蛟發橋圯更造木橋又設舟渡叭備雄濤橋壞歲一修舟壞再造者凡十有三次

吳曰懋城隍廟羽士也歲戊戌蛟水發自徽河沿太而下尸骸遍野懋竭心力置棺櫬悉瘞之城東茶亭橋菴傾圯無存力築復故行人永賴邑人碑紀之遇人兄弟親故有參商者必勸令雍睦或捐資為和解四世孫夏陽熾有道行天祿井枯涸熾禱祀之甘泉湧出至今不竭治疫崇尤多靈驗今其裔張容德因廟將朽折奔走募建鳩工庀材勞苦積數年不懈亦可嘉也

贊曰仙釋之為道道其所道非吾所為道也非吾道則吾不知不知則不論而存之可也然韓子又有言人固

太平縣志

卷八 仙釋

四

有墨名而儒行者若松密曰懋汲汲叭濟人利物為心則於彼之道與吾之道固得其大通矣列諸簡編又何報焉

太平縣志卷之八

祥異

載稽洪範休咎有徵五行迭運六氣相乘天道實遠人事可憑岌及誕異存而不論志災祥

唐寶應元年奸民王萬敵聚衆為亂詔太子庶子袁倬充江淮招討使平之因析麻城鄉置旌德縣

元至元十九年四月甯國路太平縣饑民採竹實為糧活者三百餘戶

至元二十七年奸民葉大五倡亂率百餘人寇甯國官兵並擒斬之

至元二十九年閏六月甯國等路大水民艱食大德元年二月以糧二萬石賑甯國太平

太平縣志

卷八 祥異

一

至正二十年紅巾賊犯境邑人杜信牧率義勇三千人追戰龍門嶺賊奔潰

明成化十年大旱

正德三年大旱道殣相望

正德七年流賊劉七掠江洋又石埭土寇起邑民騷動

嘉靖元年大飢黃山竹生米人爭采食

嘉靖十年飛蝗食禾稼

嘉靖二十三年二十四年二十五年皆大旱斗米銀二錢知

縣劉元凱發賑民賴全活者甚衆

嘉靖三十八年盜百餘人自涇縣徑入絃歌鄉郭村劫燬民居掠

西鄉踰龍門鄉而散

隆慶元年處州礦賊四百餘人摩邑城盤據絃歌鄉旬餘

焚劫殆甚居民禦敵者陣亡數多知縣 紹率士民晝夜禦之
是冬民間訛言采宮女嫁娶 盡

隆慶二年諸山蛟發漂没田廬甚多

隆慶六年涇縣妖人董代倡異 衆邑有無知信附者知府王
嘉賓竝捕滅之

萬曆三十六年大水黃山暨境內諸山並發蛟田地衝漲不計其
數

天啟七年春太平縣有巨星橫飛肅肅有聲目歛界踰黃山
至西西鄉忽作霹靂響而 四月大璫魏忠賢遣宮踰驗黃
山一邑騷動

崇禎十四年歲饑黃山竹生米人爭采食

國朝順治三年西鄉有弄兵者官兵入勦婦女以貞死者八人

太平縣志

卷八 祥異

二

六月池陽潰兵流劫石埭界連絃二生員李雲翼李永興率鄉
民守禦尋遁去

順治十七年三月溪頭雨血吹衣承之作赤色

六月郭村飛雪

康熙二年七月慶雲見

康熙八年夏五月辛酉晦六月朔連日大雨邑諸山發蛟平地水
丈餘漂民居壞橋岸人畜溺死無算

康熙辛未歲泮池東產麥二叢一莖三穗學博梁谿倪離梧
作記為圖並鐫諸石以記其瑞

康熙戊子己丑間洛家橋周氏祖墳前松間每晨有彩雲居
民常見之及壬寅重建 文廟周助松一株為前步正梁

康熙四十六年地生羊毛未有 穎火之臭亦全

康熙四十七年戊子五月二十一日蛟水大發沿河居民田地墳墓損壞無算未幾大疫復多虎患

康熙五十七年戊戌六月大旱二十五日夜忽驟雨發蛟溪水橫流傷人及田地視戊子猶甚是月絃歌鄉大雷雨有一大山飛來加於小山居民房屋人口盡壓山間僅留一牧豎

乾隆十三年 文廟丹墀桂樹旁產芝草

乾隆十四年四月雨雹大者如杯

乾隆十六年十月甘露降於 文廟東竹上

乾隆十八年五月二十五日夜大雨黃山暨邑諸山並發蛟水驟漲衝決廬舍厝棺田地較甚於戊子戊戌傷人一百四十餘口被災道泰望仙二鄉為重傷人尤在望仙溝村黃山蛟紋如織不可勝數

太平縣志

卷八 祥異

三

三十四年大水米價騰貴民多掘觀音粉並挖蕨根作粉食之

三十八年四月廿四日大水蛟發衝毀石礮漂沒田地民舍無算

五十年大旱米升錢五十道殫相望賑之明年繼旱

縣册

嘉慶元年麥大熟秋歲大稔

五年六月十九日大水漂没近河田廬壞橋路無算

七年秋大旱緩徵錢糧

縣册

太平縣志卷之八

雜錄

事涉不類不叻類記史之流傳稗官不棄易之終篇
雜卦並繫倣而行之觀覽斯備志雜記

唐太和辛亥茂年五十一宰撫州南城曾脩瓊仙墓乾符二年七
夕夜步月孃溪之濱忽白氣如練縈紆其身恍惚乘炁雲度
婁溪東山之阿引飲醴泉次蚤見烟子亭頽然翼於井上甘泉雙
湧香異逼人竟托蹟茲山居焉事出非常 鏤志之時年九十有
五五松山老人俶貞父荀茂識 斷碑存金氏宅東 □ □ □ □

宅之左去一里許唐棣冲頂東山之腰有泉涓流時發光怪樵牧
以為山崇鬼燐莫敢逼近因而荆棘翳翳薜蘿縈結一日茲山
劃然有聲川鳴谷應地開兩竅沸泉噴湧香美沁心是年大旱復

太平縣志

卷八 雜錄

一

從而拓之下得方石石上有文始知荀公之仙井也因而結數椽於山麓
榜曰荀公舊廬荀公生大唐建中辛酉歿炎宋太平庚辰七朝三
十六元躋壽二百云時正德元年丙寅春九十二翁若木老人 玖

撰 文存金氏家譜

石印廻瀾在絃二美溪水口濶約二丈許直三丈方正儼若一印橫
巨水面上可容數十人四圍水深百尺當風月清圓之夜遊者盤
踞石上波紋微縐金光百道把酒歌吹潛鱗出聽

縣治龍門鄉之黃金塢有浮田其田繚曲於南石岡高山北盤龍
諸山麓間而西連落脈鋪平地東限一田畔蓄內所滲出山下之
泉洩叻一缺缺下田中峙一小山為口塞缺上紆環二千六百餘步
約五之一茫無畔涯為中叻黑壤三百餘畝彌滿水上望之若一
灣平版剖之厚不過數寸下盡清冷莫測之水釋手旋合踐

之一動俱動又若厚結一池浮萍者然旁有土不浮百數十畝周繞之於中壤判不相屬中壤同水升降至一二尺餘祇沒水不為水沒瀘若一片平湖中擁坦洲旱若四面平原中陷窪澤或謂此陷田類夫陷田山谷中多有溢仍泥為水沒不能升降終出水上且坵必大小不等低昂各別不能一坵平行千田凡水田縱膏腴饒獲一秋稔外無別產此則每歲麥秋滿壤熟不種自生之草實童攜箕斂日可得斗米作食香味且殊夫土藉水載而不逐水流水土叭生而不決土叭潰可不謂異乎詳見邑人杜應成記

大龍頭雲際菴右一山坡人履其上響應如鼓名曰響山

石門在道泰鄉東西兩山對峙壁立千仞中界一河河源自湯嶺羣流競赴匯而成潭深不可測中有雙鯉出沒無時能興雲雨或曰龍也有鱉大如蓋亦間隱現西麓吐石唇直接河東長可半里

太平縣志

卷八 雜錄

二

許水伏流石下每花時竹夕携飲石上如泛舟然左巔有石狀類鷹外出大河口有巨石如獅青紅白三色間□成文備山水之勝

唐時有人入黃山深處採茶迷路遇一人引至深洞啖叭果實留連數日復送至洞口贈珠一顆而別

椒坑山左石壁下有石如鏡 眉土人不知珍惜爭叭巨石擊

碎塊取歸家亦一事

黃山常有聖燈夜半見於陡壁間晶耀如日山僧見之遙為禮拜太平興國五年開福寺左有附 其中蜿蜒光恠一日大雷雨藏殿 木龍與潭龍 明旦木龍口中出水爪趾間帶藻蘩人皆歎其神異

宋祥符間湯院有一白狗聞鐘即至索食 之僧疑近地無此竅其出因跡之及上流澄潭竄入水中轉巨石擊之須臾波

翻水涌白龍起自潭內天矯蜿蜒騰空而去

黃山自浮丘源抵洋湖三十里皆小竹幹粗如筋其葉頗大山僧作靜室取以蓋屋可代瓦崇禎辛巳歲飢竹皆產實離離似稷飢民爭往捋之賴以全活者甚衆傳之遠方疫者得少許煎湯飲之即愈自此竹盡死十年來復森茂如故

順治間邑有翁嫗居深山中採樵為業年各七十餘一日晨興見東壁下土忽墳起二尺許墻為之傾掘之得何首烏一枚大如甕香氣撲鼻因生啖之不逾年墮齒復生顏色鮮好如四十許人復產一男時司訓華亭董雲申歸傳其事

董含專鄉賢筆載之

順治丁亥四月中旬日午翠微山麓中溪灘傍忽霹靂响裂泉如釜水高噴數丈有龍躍出重雲罩之盤曲旋繞經過人家屋瓦羣飛如鴉須臾入空中不知所之

太平縣志

卷八 雜錄

三

濟梁在前山飛瀑下臨大溪一石橫亘如梁高數仞其半有坎如盆芒種前後溪中魚自下躍上息坎中再躍過梁漁人約鈞取之或強取則不復躍遇遊人至漁者必競餽否亦不復躍黃山舊產石耳近因採之者衆凡人跡可到處俱已竭盡惟孤峯削壁或有存者土人多以□繫□塵垂下取之往往繩斷傷人康熙二年七月望邑令陳恭備建學宮是日雷雨大作千山如注田間水高數尺忽浮巨木於縣東門恰中樑選不知所從來一若期而至僉以為神

汪氏鸞孫雄妻康熙乙巳三月初四日周百歲子孫林立耳目聰明能穿針捫虱康強善飯時人異之

絃一林氏於饗堂北塑一神像龕祀之為香火主舊嘗遭火災神先出龕僵仆堦下父老傳之以志其異至康熙三年十月復

出龕如初納之又出如是者數四本家惡其不祥列小柵龕外神乃側身柵罅以出四年正月果大火焚燬比屋十餘間殆盡惟神像不壞邑有富民宦後也性行刻薄一子患異瘡百治不效有羽士過門教以用借券欠券焚灰塗之如其言試之果愈又隨生塗之不已券盡子亦死

乾隆癸酉五月二十五日夜黃山蛟水驟發傷人漂屋溝村受害尤劇監生李文裕宅更近河當大水衝決深不知幾丈尺呼號砰磕徧左右裕家如不聞水亦不入晨啟門環堵盡為平壤始大駭閱蛟水來去處至裕宅若避讓有鬼神呵護者然競傳裕家世仁厚敦倫好施尤卹貧佃故遇大灾不害咸以為積善之報浮塘在崔村文昌閣下寬廣約四五畝窅深莫測中多游魚水潦不漲旱乾不竭左右田數百畝里人每資以灌溉旁有兩石橋

太平縣志

卷八 雜錄

四

為崔姓衆建

嘉慶十年五月十八日邑侯曹公修邑志命求司採訪出門三里許忽旋風驟雨輿夫悉仆地隔溪有古廟奔避其中堂庭各三楹中有社神像蓋里中十八姓人報賽處也（廟門顧曰程村大社）神座旁嵌一碑塵封不可辨惟碑首一行若新拂拭者則題沈節婦黃氏碑也急拭而讀之曰節婦黃氏沈增妻大早喪撫一孤名祿既娶生子名福壽祿又卒節婦與一孫相依為命無何孫又殤節婦遂喪明艱苦萬狀既念夫族已無人不能立後氏年八十以己屋數楹助里人為鄉社所里人憫婦之賢而遇若斯之厄也因為記之後載順治十四年二月庠生吳士道撰文立石求記誦甫畢天已大霽駭然曰頃者風雨得非節婦之靈耶今里中沈氏已無人而留此一碑俾氏之苦節與夫家之名氏得並傳焉節婦

猶不死矣既為言諸同事載入節烈志中而復節錄其大畧於此俾得與魯大嫂並傳且叻告後來之修志者潛德幽光採訪不可忽也

邑人林應求記

林旭父煥章性仁厚池中蓄一魚重石之七能解人意今已百年重減其半如靈龜之巢葉上體漸輕也旭年已七十魚聞語聲則至閒拊掌聲則速至就手中食餅餅兩手馴擾之反覆盤旋惟意所適數載一祀神出水中置几上帖然不怖不躍移晷納池中游泳如初 曹琴軒大尹叻公事至郭村見之歎曰人靈矣不誠故不明故多疑懼不疑不懼魚靈矣信及豚魚林氏父子過人遠矣 邑人崔繡記

黃良智字達理龍三圖人生平正直尚義康熙甲子歲壽躋百齡邑令陳額旌曰壽享期頤

太平縣志

卷八 雜錄

五

王員林之妻杜氏性貞靜善事舅姑教子孫叻耕讀為本勤儉居先年踰百齡尤紡績不輟

太平縣志卷之八

著述

等身雖豪覆瓿堪感敝帚千金明珠沙礫劍座豐城
經藏孔壁夫果不磨奚憂漸寂志著述

經學

大成易旨

崔師訓著邵坤元參訂

明儒經翼

杜質輯

易經竊揆

杜應成著

易測篇

項應選著

春秋備要

周登瀛著

六經奇英

陳常重輯

易經祕旨

汪尚謙著

易經演解

李從先著

四書竊揆

杜應成著

四書疏解

胡宗韶著

四書翼傳

杜向榮著

四書皈正篇

陳天德著

學口義

湯友信著

朱子四書或問記疑

湯友信著

太平縣志

卷八 著述

四書要言

陳國衡著

四書曉義集錄

方際乾著

四書備考參錄

方際乾著

四書大全釋疑

陳常著

四書辨辨

胡泉著

名山學貫四書討論

並陳世濟著

史學

通鑑備要

王三極著

前史論畧

胡泉著

歷代帝王年譜

焦守文著

四書纂要

胡士傑著

性理

太極圖補註一篇

胡栢齡著

性理備要

王三極著

性理正約用中一篇

譚濬著

太極圖數

崔亮采著

詩文

鴻慶集

孫覲著

黃山詩集

陳玉峰著

筆山文集

崔涯著

南山詩集

汪珍著

濂溪文集 崔惟重輯

天東集 至元著

鼓缶集 焦煜著

鳴竹軒集 周光啟著

徐于軒詩草 胡鄉著

返觀集 胡文煥著

廿居遺稿 程俾著

松雲寫詩文稿 周登瀛著

粵東吟 程樹本著

夢草堂詩集 陳廷幹著

鳴侯集 項景亮著

培性居集 張應磅著

太平縣志 卷八 著述

殘夢集 孫荃著

泥塗草 崔龍雲著

太息齋文集 項淦著

西湖遊草 孫荃著

學山近草 蘇汝院著

雜著

內簡尺牘 孫著

韻要 汪文龍著

居易命篇 周懌著

歷年甲子圖 崔起潛纂

續自警編 胡篇卿著

卷石篇 方靜著

訥谿文集 周怡著

吏隱集 陳宣著

龍山遺稿 崔思訓著

皇華集 崔廷健著

世經軒集 胡泉著

了幻集 陳孟敬著

卧岡集 胡文煥著

還讀齋文集 程絕武著

芟湖草 周光盛著

聊存草 方宗鎮著

竹居詩集 查日井著

峩亭詩稿 蘇清芳著

一一

澹益軒存稿 孫一經著

蔭綠亭詩草 張應榜著

黃山遊草 桂龍雲著

黃山遊草 湯燕生著

壯遊草 崔絲著

汪友雲集 汪文龍著

答聖制十二條策 胡泰□□

燕臺筆記 焦文臣著

自警歌 周本正著

水火解三篇 崔廷宏著

好事篇 方元靜著

等韻篇 方際乾著

象緯韓要 周登瀛著

九數集稿 周登瀛著

古文觀瀾 陳常著

存心錄 王之珩著

鐸言 林翹著

律身八要 程森泰著

訓女課兒書 周之慧著

讀書四箴 程森泰著

居家十則 程森泰著

家庭瑣語 崔銓著

家世貽範 胡泰亨著

遊山集 盛可滾著

悟真篇 孫荃著

鏡心篇 崔著

學海津梁 崔學集

黃嶽人文 焦之著

家規十要 王麟徵著

樂間小草 火年著

四書得旨 趙七思著

深竹間園詩集負暄吟 麟昌著

象管見拙齋論古 並趙敬著

大山遊草硯里雜詠 並王昌著

鼓山集 張鍾琬著

太平縣志 卷八 著述

三

浙遊革 崔允著

澹園集 方鑄著

畫中詩草 程以璠著

囊琴草岸舫詩鈔 並五麟昌著

還淳孝感章 方著

四書文稿 王儀祖著

正心錄忠孝誥 並方著

翦商解 崔繡著

屑榆軒文集 項如皋著

附載

醫案 周子幹著

問答醫案四時調理方 並周之明著

活幼心法麻疹明鏡 並崔涵著 碁譜譚 之化著

論曰學者之著述視乎其人之人品學問而皆有一生精神之所聚故成書焉名臣奏疏之外或疏經史或明心性或工吟咏或游技術其書有一時名重而旋泯者有當時不聞而賢貴於異日者豈有幸有不幸哉志有之言以足志文以足言仲尼盖有味乎其言之也慎辭哉

太平縣志卷之八

古蹟 瑩墓附

尋勝探幽遺蹟吊古載酒登高披雲快靚蘚壁懷人名
山問主何必會稽縈情岫嶺志古蹟

望仙峰在黃山相傳黃帝於此上昇人望見之故名周書異記云
黃帝容成浮邱於湯池見珠函玉壺持歸中峯石室飲甘
露瓊漿披霞衣簪寶冠躡珠履光輝山谷須臾黃帝乘飛
龍前引彩幢珠蓋二人飄然從峯頂上昇羣臣攀龍髯墮
地故下有龍鬚岩至今生龍鬚草有望仙鄉

硃砂溪水出黃山疊嶂峯陰坑源流入白雲溪逕白龍潭
滙此松谷禪師結菴潭外一里許有石誌云橫也三十六
豎也三十六再過三十六却來問松谷

太平縣志 卷八 古蹟

一

袞袞池在黃山翠微寺

烟子亭

荀公舊廬

金氏斷碑 並見雜錄今失

章村古塔遺址現存

瓊仙井涇陽鄉漣溪東山下有荀彧記黃廷堅跋

宋城縣北世傳有通津甯遠承流宣化四門

衆樂亭縣東南一里宋知縣孫覺建自為記歲久頽廢明邑令

劉元凱移建縣北重興寺前侍御崔涯記

晦菴手跡長壽鄉獅山有平石丈餘朱文公過訪孫覲手書秀

陰二字勒其上取佳木秀而繁陰之義

雙鯉塔縣西九十里絃歌鄉石壁鎮塔建不知何代高可丈許

搖之輒動終不仆下臨大溪溪有二石狀如鯉春夏水漲盈溪石
不沒若與水浮沉者然 名雙鯉塔

五里塔縣西五里金雞山下勝果寺前宋紹興七年邑民程進望
仙雞山得泗洲僧伽像異而祠之又為佛塔高十數丈每禱輒應
侍郎呂廣問記建炎兵亂像記俱毀塔今存

巽峯塔在崔村關門外鼓山上其旁有七松書屋塔影松聲
蕭然遠俗

義塾焦村坎下宋主簿焦自明建規制大約倣縣庠敦請名
儒司教遠近子弟來學者膳費咸給之

水竹居溪西焦叔華建澗水環前溪流橫後栽花為圃種竹
為籬中列書室三間扁曰水竹居焦煥炎題其楣有花分先
後留春久地帶東南得月多之句

太平縣志

卷八 古蹟

二

雙瑞書塾扁元至元九年汪澤民為孫若金若滿兄弟同登
進士贈今存

盤所樓元進士杜國賢建丞相伯顏躍里帖木兒領兵過此
假宿於此大書盤所樓三字併詩贈之

雲松樓在黃山麓汪公仲建汪文節公澤民來遊嘗憩其上
吟咏甚多

半截碑縣東三峯菴下一碑仆於地字如鳥跡人莫能識相傳
有誌數字者雷遂擊去其擊去之形今尚存

金谷殿撰焦煥炎別墅春日鶯梭如織汪文節公聯云一谷鶯
聲諧律呂四時花色譜文章

版石潭朝宗門外里許一片平石坐可百十人先賢遊玩題咏多
刊石上惟雲鶴劉公一詩鐫刻之石橫直丈許色甚白異於

餘石咸稱勝蹟

石岡亭縣南十里望仙鄉有石磊磊數百步如虎豹蹲如戈戟列環以奇松朝暉夕陰有亭巋然湛甘泉先生題曰石岡東山仙洞在郭村東山洞口冷泉從石壁中出可掬而飲中有石塌廣丈許把炬而入逶迤曲折行可一里真奧境也

巴陵仙洞縣西北七十里新豐村洞 巴陵之巔石磴嶙峋層疊成崖洞中空廣有石臺可容十餘人洞前一石湫清泉湧出可取烹茶土人逢佳節持酒遊玩涇上萬道吉有記

大山縣西七十里涇陽鄉高十餘里頂名雲龍峯嘉靖間王道人居焉今有一坎在山頂大石上深止三寸許大旱弗乾相傳是道人飲汲之所

大井縣西北七十里盛村賢一宅畔源出遊山其水清冽冬溫夏涼可以療疾遠近爭汲之鑿自何代不可考

太平縣志

卷八 古蹟

三

西山在焦村峯秀如畫上有西山峯禪院每朝暮烟霏霧結如黃嶽鋪海文待詔徵明嘗憇此題曰天光雲影

孝子泉在峴村東孫世賢廬墓傍甘泉湧出

煉丹臺涇陽浮坵丹山有煉丹臺遺址舊傳浮坵公煉丹於此下有丹水流香香名人經過每多吟咏

硃砂井涇陽西山下其水清冽而香飲之多壽兼能辟疫其砂色如硃春夏之交山水瀑漲遊魚百數來戲其間

神仙洞縣東北三十里樵山深數里遊人燃炬入所見石多奕具餽釘之形極處有潭深不可測

凌雲塔龍三盛村青陽甯儉記

文武狀元里牌在焦村宋紹定乙丑建

孝泉在東鄉石門山明張懿母患暑疾醫藥罔效有異人指山上
大石下有仙液可愈母疾懿兄弟求之取水飲母立痊

瑩墓

古望丞相墓在長壽鄉龍光潭西南

將軍墓不知何代人在東鄉釣魚臺畔里人開墓得盔甲比 墓
有巨石崩裂遂止因附葬其側每祭先之

唐戴國公左難當墓在龍門鄉遊山松子嶺今石碑石默猶
存有誌銘云隋唐之間羣雄竝起帶礪何在悠悠涇水唐
永安中難當墓有紫氣冲天有司申奏疑有王氣奉
旨斷其山崗地脉

學士胡暉墓在縣南碧山

麻丞相墓相傳宋人失考在麻水側明萬厯間里人胡氏卜 開

太平縣志

卷八 古蹟

四

土見碑遂改遷今世祀之

土羅隱墓縣北七十里在黃荆塢口見流寓

邑侯柳公墓在縣南尚書嶺呂公菴側

邑令崔欽墓在栗子冲

城守董奇墓在厲壇

文學劉逸墓嘉祐中唐承宗為墓碣曰鄉賢劉文學墓

叅知李回墓諭葬在賜田廣仁寺後

僉判李文富墓在東保大石菴右

尚書孫 墓 葬在小河口 園之原

侍御章炎墓在祠 塢猪婆墩

通判李材墓在醉翁峯西冲

通判湯璲墓在紘歌 姚六凹璲南唐宰相湯悅曾孫蔭通判

由秋浦遷宏潭為湯氏始祖妻吳氏墓章八坑蛇形去宏潭五里 按志乘所載名人墓無婦人者此係舊志姑存之

進士陳楔墓在上湯家椒坑口為西二及城內陳氏始祖

元帥李誠墓在經歌鄉墓田塢

同知胡泰宇墓在龍門黃石灘

同知孫 墓在黃金岡

知縣 潛墓在本村前山

太常周 墓在干曹冲口

趙府司理周懌墓在紀家山

知州趙象墓在依堂里

御史崔涯墓在木瓜坑

同知崔惟植墓在趕坦 形山

太平縣志 卷八 古蹟

五

鄉賢杜質墓在 村小河南

大參崔師詞墓在石門黃土嶺

主政焦佺鑑墓在涇石山下石山舖

知州方立誠墓在東山下虎形

鄉賢周可宗墓石周家園

主政項如皋墓在下注村口 壠

中書湯開運墓在陳家門

徵君周萬年墓在紫瑤冲

司訓崔騰鯉墓在邊山即崔氏陽宅之東

徵君汪尚謙墓在三里岡

中書項雯墓在高 上東溝于

知州崔錦墓在東鄉九思潭鳳形

知縣崔瑤墓在西冲青柴塢

知縣崔龍雲墓在趕坦獅山

知縣崔銑墓在霧山南坑

都督崔彪墓在楊冲蛇形山

副使崔廷健墓在黃泥巷蜈蚣形下

會魁張鍾琬墓在葛湖里板栗坦

宋安撫使林椿年墓在縣西九十里楊梅林蟠龍形是為林姓始祖

知縣林翹墓在縣西一百里桃坑蜂巢形

知縣湯純臣墓在湯家林

宋校尉湯宏墓在蛇塢

知縣湯為雯墓在賢二圖林村

知府湯為霖墓在仰家坦

太平縣志

卷八 古蹟

六

知縣湯友信墓在湯萃塢

宋教授湯疇若墓在落基源

參政胡篤卿墓在中蛇形

知縣胡亮卿墓在絃歌鄉

中書舍人胡昌允墓在蛇形

知縣胡時翹墓在地里溪楊坑

廉訪司副使杜國賢墓在本境石龍山

知縣杜應和墓在本境芳田冲

知州杜琪墓在石村河

池河守禦杜泉墓在本村七甲宅址後

知縣杜魁林墓在本村外萬家冲

知縣杜楚墓在蕪湖

知縣項文治墓在水東瑤塢上
長史胡亨墓在伊塘里老庄
知縣胡文煥墓在榨梓里
理問趙貞墓在城南桂花墩
知州周恪墓在縣後亭子山
知縣周光啟墓在施家園
提舉孫若滿墓在長壽上坡
誥封御史方廷玟墓在城西金魚形
知縣項陞墓在異松嶺
通判李士清墓在賢二圖東保
唐李將軍墓雍正甲寅西鄉蛟發古塚貢生焦綜見而亟
修之

太平縣志

卷八 古蹟

七

知縣趙文昌

知縣趙必遷並三口蔭鳩塢

論曰太在萬山中非若豐鎬杜鄠古多名勝供學士所憑弔
者也然巖洞亭臺泉井邱隴間即就湮按圖猶可考也江
山留勝蹟我輩復登臨咏孟襄陽句不勝感嘆於斯矣

太平縣志卷之八

寺觀

經正民興異端途闕枯尚名禪羽仍號客月地雲階花晨
兩夕守寂致虛紅塵永隔志寺觀

東嶽觀縣治西門內明天順間建萬歷崇禎間又建三清殿
三官殿 國朝初又建觀音閣文昌閣乾隆六十年重建三
清殿嘉慶十一年重建三元殿

三義殿西門外明天啟間道士李應元募建乾隆間道士募
重建改北向

重興寺縣北一里舊名碧雲巷宋紹興乙丑賜額

紫極殿縣治北亭子山上國初邑令鹿兆圖建

三元殿東溪板石潭上

太平縣志

卷八 寺觀

一

汪公廟一在小北門一在水東一在道泰鄉又有九相公廟亦三所
縣東西鄉三門相傳皆有功德於民者故世祀之

明善菴縣南里許邑令劉元凱所常遊有詩刻石乾隆甲辰
西隅社重建廟宇

天竺林縣北三里舊有菴明邑令馬維銘題額乾隆間僧有林買置重建
翠微寺西鄉在黃山麓唐中和二年置麻衣禪師道場國朝康熙中
僧超綱有志

獅子林即黃山獅子峰舊有菴已圯康熙中知縣陳九陞重建置田
二十餘畝以贍僧後僧慈舟屢修之

廣仁寺龍門鄉唐大祐中李鐸施 為安仁院宋治平元年賜額
永濟菴在箬嶺橫培康熙初胡可期建子師靖助田二十畝煮

茶濟行人

香林寺西鄉宋紹定十三年賜額

真如寺長壽鄉舊名陵陽院宋太平興國初賜額

香城寺絃歌鄉宋紹興十三年賜額

新興寺道泰鄉宋紹興十七年賜額

五松寺長壽鄉宋淳熙中賜額

龍吟寺道泰鄉宋紹興二十五年請額

廣福寺西鄉宋太平興國五年賜額聖壽乾道初改今名

蘭若寺東鄉淳熙中賜額

晏公廟在美溪傍有異樹枝人不敢侵花墜可占雨

松山寺望仙鄉宋紹興十三年賜額

興國寺縣治北三里舊為泗洲堂宋紹興十五年賜額今額分重興寺

龍王殿東鄉崔村後霧山下禱雨最驗明邑令馬維銘記

太平縣志

卷八 寺觀

二

西峯菴道泰鄉宋建紹興間重建周太常有詩

城山菴絃歌鄉宋乾道中僧了空承建守墓明邑令劉元凱

有詩菴主湯正國有記御史崔涯有墓志銘

松谷菴望仙鄉近芙蓉峰張松谷自建

呂公菴望仙鄉舊為元延四年僧普惠建明初歸鄉人陳譚孫

汪羅馮等姓為祀免黃山荒稅府縣恩主之所延僧住持

九龍菴縣西七十里涇陽鑿村水口九龍山隈永樂壬辰杜伯衡

建嘉靖中杜了齋同族菴傍建明道堂為約所錢緒山王龍

溪有九龍會約序乾隆乙丑杜辰一子孫重建嘉慶元年明道堂又重修

城山觀西鄉宋司戶焦源建名黃山堂至解元焦頤重葺改城

山書院課子炳炎煥炎相繼以文武魁天下後改為觀今觀

旁復創立書院

真常觀道泰鄉相傳唐勅建元大德間重建

無為菴縣南五十里宋紹興中侍郎呂廣問撰記

九龍觀涇陽鄉舊傳漢永平九年地湧九泉因穿九井唐開平中為僧舍宋政和五年勅改為觀

昇真觀縣東南二里宋嘉祐間建名黃山觀政和間賜今額羅漢堂在章村舊傳有十八白鶴飛翔於此土人異之因建此堂仙壇道院縣西六十里高約四五里頂建一塔正對煉丹峯遙望

九華諸峯亦在雲際

雲際菴在興嶺里人程肇泰建僧大緣燒茶濟衆

三峯菴縣東北瑶潭上上緣天脞說載僧慧空自武夷朝九

華過邑息肩此菴菴僧以周恭節告之慧空來訪不遇題詩

石壁即行周歸聞之亟追不得所題詩句墨跡久而愈新遂

太平縣志

卷八 寺觀

三

為勝蹟詳仙釋

勝果寺縣西五里有塔宋紹興七年建明周文宗重建

大覺寺在三折嶺督學佟公法海有詩見藝文釋元言和韻

仙皇殿在仙皇山宋嘉定間僧宗傳建

慈濟菴絃歌鄉明萬厯間僧成順建

淨月菴絃歌鄉明末鄭旻公建

碧琳禪菴絃歌鄉 興隆菴望仙鄉

道德菴絃歌鄉康熙初僧會清盜建

岫屏菴國初前任池河守禦杜泉為僧無可建

淨土菴望仙鄉僧德符建

常樂菴東鄉僧如心自如意菴移建

仙人菴涇陽鄉密崖關僧道宏建煮茶濟衆

雙龍菴絃歌鄉僧志逸建

騰翠菴絃歌鄉

龍山菴絃歌鄉僧悟成建

文暢菴絃歌鄉僧明建

凌雲菴原名澹緣菴燬於火僧思齊募於林姓重建

萬福菴在棠梨嶺煮茶濟行人林羽儀捐田助薪水

宗三樓林氏水口路通徽饒燒茶濟行人

甘露菴在樵山嶺僧摛幻建 雲中居縣北三里

隱松菴縣北三里

問奇菴在異松嶺僧覺宗建

明皇殿東鄉崔村外霧山麓宋嘉定間建

復翠菴舊名蘆莊菴城南六十里

騎龍菴在箬嶺煮茶濟衆 文峯菴城南五里

永慧菴在黃榜嶺煮茶濟衆 斌里菴在焦村明末僧超一建

法隆寺城南二十里康熙間僧公度建

太平縣志

卷八 寺觀

四

嚴淨菴城南五里

慶雲巖城南六里孫淵建

將軍廟城南十五里煮茶濟衆 潮音菴在夫子山僧普瑞建

萬松菴城北三里道士林名法買置修建

慈濟禪菴城南三十五里舊為許姓菴康熙間僧融通助銀五十兩同

建大殿菴左側房二宅皆僧人自置右側樓屋三間嘉慶三年僧

壽山暨合菴自建右側朝南樓屋七間嘉慶十二年僧友琴暨

合菴自建

水月菴在石崗嶺下胡子龍建

西來禪林城南八里舊為汪姓菴乾隆甲戌僧會懷玉買置修建

雲隱菴涇陽鑿村西山嘉靖中杜彥祥建批有田地山場

廣慶茶菴鑿村水口路通青石杜芳葵子大賓兄弟建置祖三十

餘担延僧煮茶濟衆

大覺菴縣西七十里涇陽鄉壽台山乾隆庚戌年僧觀壽建

五福廟縣西八十里涇陽必吉嶺頭元末遭亂神有奇驗蘇氏托庇焉因建廟奉為土主其廟俱石上下四旁並不用寸木片瓦

集慶菴在東鄉霧山腰半與蓮花遙對樹林森秀迥出塵寰每逢秋霽雲鋪一目千里恍有蜃樓海市之觀

高菴在東鄉霧山之右因地高故名高菴修篁靜翠古樹扶踈遠望河流宛然如帶明嘉靖建

左王殿一在紹思冲一在塘下一在新豐村一在余村俱遊山下四面居民世祀唐戴國公左匡政

航海菴在黃山湯嶺國學生陳思忠建造煮茶濟行人遇雨雪留宿

水月菴在石崗嶺下胡子龍建

太平縣志

卷八 寺觀

五

一心菴在榨梓里江起龍衆建助資煮茶濟衆

江城寺在賢二圖江溪宣德七年遷屯舍人劉熊劉熙建昭明殿捐屯田二十畝築埂蓄蔭以障水口乾隆五十四年監生

劉國選復建闕帝廟大王廟大佛堂規模宏敞又捐田三畝為燈資

普濟菴在賢三溪下龍宮嶺李永萬建

大石菴在賢二東保通判李士清倡建

碧雲菴在宏潭楊林程子壽建

魚龍廟在賢二姚村江溪劉君美輸地與六社同建

懺壇祖師殿在賢二姚村六杜同建

五穀廟在郭村東山旁有仙洞林姓祀穀神於此

新菴在郭村林姓奉祀天妃於此

岫雲菴西隅項倫衆建

佛塔社壇賢二八甲鄭姓建

昭明殿賢二大坑方姓建

文昌關帝昭明殿賢二三甲汪姓建

來鳳菴城北二里僧空印建貫乾宗輪如松相繼增修輪戒業

精苦得楞嚴妙諦主方丈唱宗風至修路施茶其樂善尤可嘉

按寺觀舊志例有勅建或賜額或高人勝蹟生色山川及禪林接衆茶菴濟人均不容沒否則緇流羽士自造自住并僧會冊開者可載載之餘或廢興無考主客不明概不闌入至如黃山獅子林非惟太邑勝境實天下名區前有賢令建菴置田可以安僧即可待客用意良深頃以歲久佃強頗肆侵蝕僧慈舟請備載其田則於志度前人之善不湮故詳錄之一則葉唐坑荒字西左九十三號丈田一畝

太平縣志

卷八 寺觀

六

二分六厘八毫有零一則沈家坦荒字西左九十四號丈田一畝二分二厘一則葉唐坑荒字西左一百號丈田二畝二分一則沈家坦荒字西左一百十六號丈田二畝一厘一毫一則墩下路邊荒字西左一百五十八號丈田七分一則王家門前荒字西左二百十七號丈田一畝一分一則社屋墩蓬基邊荒字西左三百四十八號丈田二畝六分八毫一則前山口荒字西左六百十九號一則前山口荒字西左六百二十八號共丈田五畝零二厘七毫一則明堂坵荒字西左七百十六號丈田一畝九分六厘八毫一則城下石峽口荒字西右十六號丈田一畝五厘四毫一則城上荒字西右十八號丈田二畝五分以上共丈田二十一畝肆分五厘三毫五絲實折田九畝三分八厘 以上乾隆志

按康熙乙巳志載勝果寺在縣西五里桂城鄉宋紹興七年建又慶源菴下註云以上五菴俱於洪武間歸併勝果寺又乾隆府志載勝果講寺縣西五里宋紹興丁巳請南陵廢寺舊額呂廣問記云邑民程進望金雞山有白氣得泗州僧伽像異而祠之又為佛塔建炎時像記並燬塔僅存明洪武辛未立為叢林乾隆縣志載勝果寺縣西五里有塔宋紹興七年建嘉慶十四年龍門周姓於勝果寺下添註明周文宗重建茲據周姓乾隆四十九年與僧上乘結訟案卷為憑

論曰寺觀為僧道所居與志乘何預焉然水湄山巔擅邱壑之勝林泉之幽者必有古寺點綴於其間而遊觀於焉托跡名流於焉題詠即為古蹟覽勝搜奇其在斯乎何可畧也

